

## Mathayo

<sup>1</sup> Ishitabu ishashikholo isha Yesu Klisiti umwana wa Daudi, umwana wa Ibrahimu. <sup>2</sup> U Ibrahimu ahali yise wa Isaka, Uisaka ahali yise wa Yakobo, u Yakobo ahali yise wa Yuda na bhaholo bhakwe. <sup>3</sup> U Yuda ahali yise wa Peresi nu Sera hwa Tamari, Peresi yise wa Hezeroni, u Hezeroni yise wa Ramu. <sup>4</sup> U Ramu ahali yise wa Aminadabu, u Aminadabu ahali yise wa Nshoni, u Nashoni yise wa Salimoni. <sup>5</sup> U Salimoni ahali yise wa Boazi hwa Rahabu, u Boazi yise wa Obedi hwa Ruth, U Obedi yise wa Yese, <sup>6</sup> u Yese ahali yise wa mfalume u Daudi. U Daudi ahali yise wa Sulemani hwa nshi wa Uria. <sup>7</sup> Usulemani ahali yise wa Rehoboamu, u Rehoboamu yise wa Abiya, u Abiya yise wa Asa. <sup>8</sup> U Asa ahali yise wa Yehoshafati, u Yehoshafati yise wa Yoram, u Yoram yise wa Uzia. <sup>9</sup> U Uzia ahali yise wa Yothamu, u Yothamu yise wa Ahazi, u Ahazi yise wa Hezekia. <sup>10</sup> U Hezekia ahali yise wa Manase, u Manase yise wa Amoni u Amoni yise wa Yosia. <sup>11</sup> U Yosia ahali yise wa Yekonia na kaka bhakwe lwebhahegwaga abhale hu Babeli. <sup>12</sup> Baada ya hwegwe abhale hu Babeli, u Yekonia ahali yise wa Shatieli, u Shatieli ahali mwizukulu wa Zerubabeli. <sup>13</sup> u Zerubabeli ahali yise wa Abiudi, u Abiudi yise wa Eliakimu, u Eliakimu yise wa Azori. <sup>14</sup> U Azori ahali yise wa Zadoki, u Zadoki yise wa Akimu u Akimu yise wa Eliudi. <sup>15</sup> U Eliudi ahali yise wa Elieza, u

Elieza yise wa Matani u Matani yise wa Yakobo. <sup>16</sup> U Yakobo ahali yise wa Yusufu unume wa Mariamu, yehwamwene u Yesu ahapapwilwe, yahwitwa Klisiti. <sup>17</sup> Impapo zyonti afume hwa Ibrahimu hadi hwa Daudi zyahali impapo kumi na nne, afume hwa Daudi hadi hwegwe abhale hwa Babeli impapo kumi na nne, na afume ahwegwe afume hu Babeli hadi hwa Klisiti impapo kumi na nne. <sup>18</sup> Apapwe hwa Yesu Klisiti hwahali ishi. Unyina wakwe u Mariamu, ahazinjiwilwe nu Yusufu, ishi shebhasili alolane ahaloleshe aje alinivyanda hwa mpepo umfinjile. <sup>19</sup> Unume wakwe u Yusufu, ahali muntu wi lyoli zaga ahauzaga hukenyesye hubhantu. Ahamuye ahwimilise husili. <sup>20</sup> Nahasibhaga ahusu amamba iga, uwantumi uwa ngumbhi ahamfumiye hunjozi, ahaga, “Yusufu mwana wa Daudi, usahogope humweje u Mariamu unshi waho pipo ulwanda lwali nalwo lufumiline nu Mepo umfinjile. <sup>21</sup> Abhapape umwana unsahala ubhalunkwize itawa lyakwe yu Yesu, papo anzahubhokole abhantu bhakwe ni dhambi zyahho.” <sup>22</sup> Gonti gahafumiye aje nkezibhombeshe zyezyayangwile nu gosi hwidala lya kuwa aje, <sup>23</sup> “Enya, u bikira ahayibha ni vyanda ahayipapa umwana uwishilume itawa lyakwe abhahukwize yu Imanueli” — imaana yakwe, “Ungulubhi ali natwi.” <sup>24</sup> U Yusufu ahadamushe mutulo na bhombe ndeshe abhantumi ngosi she bhahamuzize na ahamwejile unshi wakwe. <sup>25</sup> Hata shiniso, sagahagonile nawo mpaka lwahapapa umwana uwishilume ahankwizya itawa lyakwe yu Yesu.

## Sura ya 2

<sup>1</sup> Baada ya Yesu apapwe Mubethelehem iya Huuyahudi hu nsiku izya mwene u Herode, abhantu bhebhazizye afume humashariki iya patali bhahafishile hu Yerusalemu bhahaga, <sup>2</sup> “Ali hwoshi yapapilwe umwene wabhayahudi? Tahayilolile inzota ya humashariki nati tinzile humpute.” <sup>3</sup> Umwene u Herode la ahumvwa iga ahalalamushe ni Yerusalemu youti peka nu mwene. <sup>4</sup> Uherode ahabhahunginye agosi bhaadimi bhonti na asimbi bha bhantu, ahabhahuzya, “Klisiti abhapapwe hwi?” <sup>5</sup> Bhamuzya, “Hu Bethelehemu iya Huyahudi, ishi sheyahasimbilwe na akuwa, <sup>6</sup> Naawe Bethelehemu, munsu iya Yuda, siga ndodo peka na alongozi abha hu Yuda, pipo afume huliwe abhahwinze umwene yahayibhadima abhantu bhani abha Israeli.” <sup>7</sup> Isho u Herode ahabhakwizizye bhala abhazyi hu siri na hubhabhuzye aje habhalilizyo bhuli inzota iloleshe. <sup>8</sup> Ahabhatuma hu Bethelehemu, ahaga, “Bhalaji na hwenyelezye mumwanze umwana ya papilwe. Nkemwanola mundetele ihabari aje nani nkininze humpute.” <sup>9</sup> Baada ya manye aje bhamwimvwizye umwene bhahendeliye ashule, ni mota ila yebhahayilolile humashariki yahabhalongoleye mpa lweyahimilila pala pa mwanya umwana ahapapilwe pansu yakwe. <sup>10</sup> Lwe bhahayilola inzota bhahashiye hani. <sup>11</sup> Bhahinjaye munyumba nahunole umwana yapapilwe nu Mariamu unyina wakwe. Bhamwinamiye na humpute. Bhahiguye ivintu

vyabho nahumfumizye izawadi zyaabho izahabu nu uvumba ni manemane. <sup>12</sup> U Ngulubhi ahabhasoshile mndoto aje bhasahawe hwa Herode, kwa hiyo bhahasoguye abhale hunsi yabho hwidala ilyinji. <sup>13</sup> Baada ya sogole abhantumi bha Ngulubhi bhahamfumiye u Yusufu hunjozi ahadamushe, “Ua, humweje umwana nu nyina wakwe nu mwana na ahashimbiliye hu Misri. Mukhale hunuhwo mpaka lwe nahayibha bhuzya pipo u Herode ahumwana ili agoje. <sup>14</sup> Nunsiku u Yusufu ahadamusha na humweje umwana nu nyina wakwe ashimbilile Humisri. <sup>15</sup> Ahakhiye uhwo mpa u Herode nahafwa. Izi zyahafishiye shila Ungulubhi shahayinje ashilile hwa nkuwa, “Afume humisri inkwizizye mwana wani.” <sup>16</sup> U Herode, laahalola bhansufizye na bhantu abhazya, ahavitilwe hani. Ahalajizizye agoje abhana na bhonti abhishilume bhebhahali hu Bethlehemu na bhonti bhebhali pala ahwaudile amaha gabhili ahwishe pansu afume shebha yinje abhazyi. <sup>17</sup> Pe twalibhombile izwi lila lyelyaha yangwilwe nukuwa u Yermia, <sup>18</sup> “Izi lyahimvwiha hu Ramah, impungo na zonde hani, u Raheli ahabhalililaga abhana bhakwe, na ahakanile apumilizwe pipo abhana nabhamo.” <sup>19</sup> U Herode lwa hafwa abhantumi bha Ngulubhi bhahamwinziye u Yusufu mutulo uhwo hu Misri na yanje. <sup>20</sup> “Bhuha umweje umwa nu nyina wakwe mubhale hunsi iya hu Israeli pipo bhahanzaga uwumi wa mwana aje bhasahagoje.” <sup>21</sup> U Yusufu ahimiliye, amwega umwana nu mayi wakwe, ahinza munsu iyamu

Israeli. <sup>22</sup> Ishi la ahwumvwa aje u Arikelau ahali mwini wa hu Yuda pala pa yise wakwe u Herode, ahogope abhale uhwo. Baada ya Ngulubhi hunsoshe mutulo, ahasogoye abhale humukoa ugwa hu Galilaya, <sup>23</sup> ahabhalile akhale mumsi yihwitwa Nazareti. Ili lyahatimiye hu zila zyezyahayangwilwe hwi dala lya kuwa aje bhasiakwizye Mnazareti.

## Sura ya 3

<sup>1</sup> Munsiku zila u Yohana Umwozyo ahinzile alumbilile hunyika iya hu Yuda ahaga, <sup>2</sup> “Mulambe pipo ubhumwini uwahumwanya bhusojeliye.” <sup>3</sup> Pipo unu yahayangwilwe nukuwa u Isaya ahaga, “Izwi lya muntu ya kwizya afume hujangwani; 'mubhishe tayari idala lya gosi, mugagoloshe amashilo gakwe.” <sup>4</sup> Ishi Uyohana ahakwite amasepe agingamia ni lamba ilyingozi musana wakwe, ishalye shakwe shahali nzije nu woshi uwa mwisengo. <sup>5</sup> Habhili Moyerusalemu, Iyuda yonti, ni sehemu yonti yeyahazyangulile isoho Iyordani bhahabhala hukwakwe. <sup>6</sup> Bhahozewaga nawo mwisoho mu Yordani bhalambaga hwangwubhi imbibhi zyabho. <sup>7</sup> Lwahabhalola abhinji abhamafalisayo na masadukayo lwebhahwuzya, “Amwe mwimpapo izyi nzoha izyi sumu wenu yabhasoshile huyishimbile inkuni yihwinza? <sup>8</sup> Mupape amadondo gegahwanziwa alaabe. <sup>9</sup> Mgandi asibhe na ayanjizanye hulimwe mwe, 'Tulinawo u Ibrahimu ye yise witu.' Pipo imbabhuzya aje Ungulubhi angamwimishizya

u Ibrahimu abhana afumilane na mawe iga. <sup>10</sup> Intemu iliho ibhihwile hunzizi ugwi kwi. Ishi ikwi lyolyonti lyesalipapa amadondo lidumulwa na tajilwe mu mwoto. <sup>11</sup> Ihubhozya na manzi hunongwa ya lambe. Ishi umwene yahwinza badala yani ngosi kuliko ani. Nanisihwanziwa abhusye iyilyatu vyakwe. Umwene asibhozye hwa mpepo umfinjile na humwoto. <sup>12</sup> Na ulupapike lwakwe lulimunyobhe zyakwe lupepeta nziila na hwozye na abhunganye ingano zyakwe mushanga. Nantele abhapembe amakapi mumwoto wesebhuzimiha. <sup>13</sup> Nantele u Yesu ahinza afume hu Galilaya mpaka mwisoho Iyorodani ahwozewe nu Yohana. <sup>14</sup> Uyohana ahandaga akhane aje, “Asahamwozye pipo u Yesu gosi ashile u Yohana?” <sup>15</sup> U Yesu ahayanga ahaga, “Nini ihurusu awe unozye, maana ihwanziwa aje inkamilisye ilyoli yonti.” U Yohana pa ahamwozya u Yesu. <sup>16</sup> Baada ya hwozewe u Yesu ahafumile muminzi ahenya imwaaya zyahamwigushiye, nantele ahanola umpepo wa Ngulubhi ahwiha hushifwani shinjibha na ahwimilile pamwanya yakwe. <sup>17</sup> Izwi, lyahafumile humwanya lyahaga, “Unu mwana wani uganwa. Indi ni insungwo nawo hani.”

## Sura ya 4

<sup>1</sup> U Yesu ahalongozowilwe nu Mpepe mpaka hujangwa ili ajelwe nu setano. <sup>2</sup> Ahafunjile insiku arobaini nunsanya na nunsiku ahali ni nzala. <sup>3</sup> Uwinjelo ahinza ahamuzya, “Ahaga awe ukewe mwana wa Ngulubhi ugobhuzye

amawe iga gabhe makati.” <sup>4</sup> Lelo u Yesu ahaga ahamuzya, “Iyandihwilwe, 'Umuntu sangakhala muni umu alyanje gamakati gini, hata hwizwi lyolyonti lyelifuma hwa Ngulubhi.” <sup>5</sup> Habhili usetano ahantwalile mpaka muni nyinza na humishe pamwanya hani pinyumba iyishibhanza, <sup>6</sup> na humuzye, hujenkushe awe uli mwana wa Ngulubhi, yidomosye mpaka pansi, pipo isimbilwe bhakwe bhinze bhatone nantele bhasibhusye humakhono gabho nkusahabumile mu mawe.” <sup>7</sup> U Yesu ahambula, “Ahaga habhili ahaga, 'Uganje hunjele u Ngulubhi waho.” <sup>8</sup> Habhili, usetano ahamwega na huntwale pigamba pamwanya hani ahanolesya insi zyontiinyinza. <sup>9</sup> Ahaga, “Inzahupele ivintu vyonti ivi nkewaninamila na humpute ani.” <sup>10</sup> U Yesu ahabhula, “Sogolaga uyepe ipa, setano! Pipo isimbilwe ihwanziwa humpute Ungulubhi waho, umombele yuyo mwimi.” <sup>11</sup> Usetano ahaneha, nahabhalola, abhantumi bhahinza humpute na humbhombele. <sup>12</sup> U Yesu naahanvwa aje u Yohana akhitwe, ahasoguye mpaka hu Galilaya. <sup>13</sup> Ahasoguye Hunazareti ahabhalile akhale Hukapernaumu, yilimunshinji mu bahari ya Hugalilaya, mumpaha mmajimbo ga Zabuloni nu Naftali. <sup>14</sup> Ili lyahafumiye aje likamiliswe lyelyahayangwile nu kuwa u Isaya, <sup>15</sup> “Muni iya Zabuloni na muni iya Naftali, abhale munsumbi mwisyila ilya Huyorodani, Hugalilaya iya hubhinsi! <sup>16</sup> Abhantu bhebhakhiye muhisi bhabhulolile umwanga ungosi hawi, na bhala bhebhakhiye mwidala ilyifwe pamwanya ulukhozyo lukhozizye.” <sup>17</sup> Afume

ahabhalilizyo iho u Yesu ahandile alumbilile aje, “Mulambe pipo ubhumwini uwahumwanya bhusojeliye.”<sup>18</sup> Lwahajendaga mushinji mun-sunbi iya Hugalilaya, ahabhalola aholo bhabhili, u Simoni yebhahakwizyaga yu Petro, nu Andrea ukaka wakwe, bhahatega inyavu mwusumbi pipo bhahasukulaga inswi.<sup>19</sup> U Yesu ahabhabhula ahaga, “Inzaji munfwate, imbabbabhishe mubhebhasukule abhantu.”<sup>20</sup> Pinipo bhahaluleha ulwelo bhaufwata u Yesu.<sup>21</sup> U Yesu lwahajendelelaga afume ipo ahabhalola aholobbhabhili abhamwabho, Yakobo umwana wa Zebedayo, nu Yohana ukaka wakwe. Bhahali mwitoli peka nu Zebedayo uyise wabho bhahasonaga ulwelo lwabho. Ahabhakwizwa,<sup>22</sup> pinipo bhahalileha itoli nu yise wabho bhope bhahanfuata.<sup>23</sup> U Yesu ahabhalile Mugalilaya yonti, ahamanyizyaga mu Masinagogi gabho, ahalumbililaga ibhangili ubhumuini aponye impungo ni mbina zyonti zya bhantu.<sup>24</sup> Inongwa zyakwe zyahayeshile Isiria yonti na abhantu bhahaleta abhabhinu bhebhalali ni inpungo zinyinji, bhebhalali ni mpepo izyi shifafa na bhebhapoozizye. U Yesu ahabhaponizye.<sup>25</sup> Impuga ya bhantu yahali ngosi abhantu bhebhafuataga afume hu Galilaya, na Dekapoli, na Huyerusalemu na Huyahudi na afume mwisyila ilya hu Yorodani.

## Sura ya 5

<sup>1</sup> U Yesu lwahayilola impuga, ahasoguye abhale hwigamba. Lwahakhiye pansi asambilizyi bhakwe bhalinza. <sup>2</sup> Ahigula ilomu lyakwe ahabhamanyizya, ahaga, <sup>3</sup> “Hwashi abhapina



bhi mwoyo pipo ubhumwini uwahumwanya wabho. <sup>4</sup> Hwashi abhaswimilizu pipi bhahayisubhizwa. <sup>5</sup> Hwashi abhapole, bhahayibha bhapyani bhi insi. <sup>6</sup> Hwashi abhinzala ni shumwilwa shilyoli pipo bhahayikuta. <sup>7</sup> Hwashi abhirehema pipo bhayibha ni rehema. <sup>8</sup> Hwashi abhimwoyo umwinza pipo bhayinola Ungulubhi. <sup>9</sup> Hwashi akundanyi, pipi bhabhabhe bhana bha Ngulubhi. <sup>10</sup> Hwashi bhebhayimba kwa ajili yi lyoli pipo ubhumwini uwahumwanya wabho. <sup>11</sup> Hwashi amwi yemuligwa na bhantu ua yimbe na yangwe hwilenga ubhibhi kwa ajili yani. <sup>12</sup> Mushanje ua lulutile pipo amasombo ginyu magosi hwa Ngulubhi. Pipo abhantu abhahwande bhahabha yimvizye akuwa bhebhali kabla yinyu. <sup>13</sup> Amwi libheya lyinsi ishi ibheya nkelitezizye uwinza wakwe selibhabhe libhe ya habhili? Selingabha lwinza habhili hu hantu hohonti, hulitaje hunzi ua akhanywe ni vinama vya bhantu. <sup>14</sup> Amwi lukhozyo lwinsi. Ikhaya yizengwilwa pamwanya pi gamba sihuyifisa. <sup>15</sup> Abhantu sebhahwansya itala nahuyibhishe pansi yishikapu, ila bhabhiha pamwanya imuliha bhonti bhebhali muhati munyumba. <sup>16</sup> Muleshe ulukhozyo lwinyu lukhozye hwilongolela hwa bhantu ihwanziwa huje abhantu bhagalole amatendo ginyu aminza na huutime u Ngulubhi uwahumwanya. <sup>17</sup> Msahaje ininzile ananganye indajizyo wa akuwa. Sininzile ananganye ininzile atomizye. <sup>18</sup> Amba lyoli ihumbabhuza huje mpaka imwanya ninsi zyonti zishile nimo iyodi yeka wala inukuta

yeka iyi sheria seyahaiyepa kila hantu lwehayibha tiyari. <sup>19</sup> Ishi wowonti yavunza iamuli indodo mojawapo yi amlu izi na hubhamanyize abhanji abhombe isho ahwitwa ndodo hubhumwini uwahumwanya. Lakini yeyote azishikaye na kuzifundisha ataitwa mkubwa katika ufalme wa mbinguni. <sup>20</sup> Pipo ihumbabhuza ihaki yinyu nkeseyabhashila abhaandishi ya Mafalisayo, shoshonti shila semwahaiyinjila humwanya. <sup>21</sup> Mwinvwizye yahayangwilwe imandi aje, "usahagoje" wowonti yagoga ahayilongwa.' <sup>22</sup> Ishi ihumbabhuza wowonti yahumvitwa uholo wakwe ahayilongwa. Na yeyote amwambiaye ndugu yake kuwa, 'Wewe ni mtu uisyefaa!' atakuwa katika hatari ya baraza. Na yeyote asemaye, 'Wewe mjinga!' atakuwa katika hatari ya moto wa jehanamu. <sup>23</sup> Nkufumya isadaka yaho pashiputo ukumbuha huje uholo waho alinongwa nawe, <sup>24</sup> yileshe isadaka paushiputo ubhale ukundane nawo uholo waho nkuyinze ufumye isadaka yaho. <sup>25</sup> Kundana nu unongwi waho lubhilo lulipeka nawo mwidala lwemubhala humahakama, mukundane ili ushakungwe mwigereza. <sup>26</sup> Mwishe ihumbabhuza semwahayibha ahinza mpaka musombe amalando gemlongwa. <sup>27</sup> Mwinvwizye aje iyandihwilwe, 'Usahazini.' <sup>28</sup> Lelo ihubhabhuza wowonti ya humwenya unshi hwahungwe uyo azinile nawo mumoyo wakwe. <sup>29</sup> Nki ilinso lyaho ilya hulilo lihusababisa abumile ulikunye ulitaji apatali nawe. Pipo hwashi ishilungo

sheka mumbili waho shinanjishe kuliko ubili ngwonti gubhale hujehanamu. <sup>30</sup> Na nkushe inyobhe yaho indilo isababisya aje ubumile, udumule yoonti uyitajle apatali nawe. Pipohwashi ishilungo sheka shinanjishe kuliko ubili gwonti gubhale hujehanamu. <sup>31</sup> Isimbilwe wowonti ya huminga unshi wakwe ampele italaka.' <sup>32</sup> Lelo ani ihumbabhuzya wowonti yahuneha unshi wakwe hunongwa yizanaa uyo amishile aje muzinzi. Na wowonti yahumwega unshi uyo wope uzinzi. <sup>33</sup> Tena, mwinvwizye aje yahayangwilwe hubhala abhimandi, 'Musahalape ilenga lelo muntwalile Ungulubhi ilape hwinyu.' <sup>34</sup> Lelo ihumbabhuzya musahalape hata hadodo hata hwimwanya pipo imwanya enzi ya Ngulubhi; <sup>35</sup> Wala hunsi pipo mahali pakwe pabhishe itengo ilyakhanyile ivinama vyakwe, wala hwa Yerusalemu, maana khaya yamwini ugosi. <sup>36</sup> Usahalape hwitwe lyaho maana sungabhomba ulusisi lweka lubhe zeru au lwiru. <sup>37</sup> Lelo inongwa zyinyu zibhanje, 'Ena, ena, Ndali, ndali.' Piponkegonjela ipo gafuma hwa nugu. <sup>38</sup> Mwinvwizye aje iyangwilwe aje, 'Jicho kwa jicho, na jino kwa jino.' <sup>39</sup> Lelo ani ihumbabhuzya mugandi atolane nu muntu umibhi; Lelo umuntu nkahukhoma imbuguzi iya hulilo umpele ni lya humongo. <sup>40</sup> Nu muntu wowonti yasungwa abhale nawe humahakama na afyula inkanzu yaho neshele ni joho lyaho. <sup>41</sup> Wowonti yahulazimisya ibhale umaili yeka bhala umaili zibhili. <sup>42</sup> Wowonti yahulabha umpele, yakhopa khopele.

<sup>43</sup> Mwinvwizye iyangwile ugane, 'Umpalamani waho, unvitwe unugu waho.' <sup>44</sup> Lelo imbabhuzya mubhagane alugu bhinyu mubhaputile bhebhalubhavisya, <sup>45</sup> Nkemubhe bhana bha daada uwahumwanya. Pipa alamyā isaya likholo hwabhibhi na bhinza, imvula itonya hwa bhabhibhi na bhinza. <sup>46</sup> Nkemwabhagana bhebhabhaganile amwi, mubhapate faida nshii? Mbona bhebhasongozya insoho sebhahomba isho. <sup>47</sup> Nke mwabhalamuha aholo bhinyu bhini mubhapa ahenu ashile abhanji? Ishi!, abhantu bhinsi sebhahomba isho? <sup>48</sup> Ishi ihwanziwa huje mubhe bhagolosu ndeshe Udada winyu uwahumwanya shali golosu.

## Sura ya 6

<sup>1</sup> Uyenya je ungandi abhombe imbo iny-inza hubhantu ili huyilolesye, subhapate ifaida hwa Dada uwahumwanya. <sup>2</sup> Ishi nufumya isadaka usahayitufye sana usahabhe ndeshe abhanafiki shebhahomba mumasinagogi na mumitaa, nkaabhantu bhabhatime semubhapae ifaida nkiimo. <sup>3</sup> Lelo awe lufumya ukhona gwaho ugwa humongo gusahamanye sheshib-hombeha hundilo, <sup>4</sup> ili huje isadaka yaho ufumye hu siri. Nkhu Udada waho yalola muhati abhalupele ithawabu yaho. <sup>5</sup> Na luputa usahabhe, udeshe anafiki, pipo abhene bhasungwa ahwim-ilile na pute, mumasinagogi na mukona izya mukhaya zyahho nka abhantu bha bhenye. Lelo ihumbabhuzya bhapite ithawabu yahho. <sup>6</sup> Awe luputa injila hu hati ufunje ulwiji upuute hwa

Daada uwamumwoyo udaada ya lola muhati asipele ithawabu yaho. <sup>7</sup> Nu puta ungandi pyanile inongwa zyesezili ni maana, ndeshe abhamunsi shebhabhomba pipo bhasibha abhantu bhabhahubhiuvwe pipo bhayanga inongwa inyinji. <sup>8</sup> Ishi usahabhe ndeshe abhene pipo uDada aminye uhwanza henu shusile alabhe hukwakwe. <sup>9</sup> Uputaje ishi: Dada witu uwahumwanya itawa lyaho lyimishilwaje. <sup>10</sup> Ubhumwini waho winze, ulugano lwaho lubhombeshe pansi na humwanya. <sup>11</sup> Utipele ishalye shitu insiku zyonti. <sup>12</sup> Utukhobhoshele amalando gitu, ndeati shetihubhakhobhoshela abhimalando bhitu. <sup>13</sup> Usahatipe injelo, utidime nu setano. <sup>14</sup> Nkemwabhakhobhoshela abhantu amalando gabho, Udada winyu uwahumwanya abhahubhakhobhoshele namwi. <sup>15</sup> Nkushe mubhabhakhobhoshele abhantu Udada abhabhakhobhoshele makosa ginyu. <sup>16</sup> Hu gonti, lufunga usahalolesye uzugunizu humaso ndeshe abhanafiki shebhabhomba bhazugumila humiso nke abhantu bhamanye aje bhafunjile. Lyooli ihubhuzya bhapite ithawabu yabho. <sup>17</sup> Lelo, lufunga pahala amafuta hwitwe lyaho uyoje hunaso. <sup>18</sup> Subhaloleshe humaso gabhantu aje ufunjile, u Ngulubhi mweene yabhamanye Udada yamanya muhati abhahupele ithawabu yaho. <sup>19</sup> Usahabhishe amali gaho muni umu zinanjiha na bhole na bhibha bhahwibha. <sup>20</sup> Badala yakwe, abhishe amali gaho hwa Ngulubhi, sibhahwibha, sigabhola wa seganajiha. <sup>21</sup> Pipo amali gaho pegali umwoyo waho pebhahabhe. <sup>22</sup> Ilinso lukhozyo lwi bili. Nkushele,

ilyinso lyaho lyumi ubili wonti, bhubhabhe nukhozyo. <sup>23</sup> Nkushela ilyinso lyaho lifwiye, ubili waho wonti bhuli hisi haani. Ishi nkulukhozyo lweluli muhati muliwe hisi ahagosi ndeshe bhuli! <sup>24</sup> Numo nka weka yangabha na lume bha bhili, pipo abhahunvitwe unu na hugane uwinji lumo abhahwepe hwunu abhahu sufye uwinji. Hamuwezi kumtumikia Mungu na mali. <sup>25</sup> Ishi ihuhabhe nu sanje ahusu amaisha gaho aje ubhalyeshi, ubhamweleshi, ahusu ubili waho ubhakhwate shi! Amaisha se haani yi shalye ubili haani yi meenda? <sup>26</sup> Enya inyonyi zyezipuluha humwanya. Saazitota sazivunza sazibhunganya na bhishe mushanka, lelo Udada uwahumwanya ahuzilisya. Je amwisemulibhi maana hani kuliko inyonyi? <sup>27</sup> Weemu hulimwe uwahuyitamye ankayonjezya idhiraa yeka huwomi wimaisha gakwe? <sup>28</sup> Ye enu mubha musaga aje yibhakhwate nshi? Msubhilile amaua mmashamba shegabha segabhomba imbombo segahuyikwatizya. <sup>29</sup> Bado ihumbabhuzya hata yu Sulemani nu tuntumu wakwe saga ahakwatiziwilwe mojawapo yiga. <sup>30</sup> Nkushela Ungulubhi ahugakwatizya amasole agamumagunda, gegakhala isiku lyeka ni ndabhi gatagwa mumwoto je bhulibhuli angabhakwatizya amwi mwemuli nulwitiho uludodo? <sup>31</sup> Eshi musahasaje aje, 'Je tibhalyeshi?' au "Je tibhamweleshi?" au "Je tibhakhwate menda bhuli?" <sup>32</sup> Pipo abhinsi bhahuganza amambo iga, nu Dada winyu uwahumwanya aminye aje muhuganza igo. <sup>33</sup> Ishi nasuti mwanze ubhumwini wakwe ni lyoli yakwe nigo gonta gabhahwonjeleshe huliwe. <sup>34</sup> Ishi usahalole

usahasaje kwa ajili yi ndabhi, pipo indabhi zibhamanyishe hunuhwo. Isiku lyolyonti likwiliye hwi tatizizo lyakwe.

## Sura ya 7

<sup>1</sup> Nkulonga, nawe wahayilongwa.  
<sup>2</sup> Alonje shuloonga nawe wahayilongwa na shuhubhapimila abhantu nawe wahayi pimilwa shinisho. <sup>3</sup> Yeenu uhwenya ishipande shikwi sheshili mwilyinso holo waho suminye ishipande shikwi shesheli mwilyinso lyaho ikwi liliho mwilyinso lyaho? <sup>4</sup> Unganda bhuli ayanje hwa holo waho aje ambaihwefwe ishipande sheshili mwilinso lyaho, wakati nawe wayo ulinasho mwilinso lyaho? <sup>5</sup> Ulinilenga awe; kwanza uyefwe ishipande sheshili mwilinso lyaho, nkubhahwefwe ahinza ishipande isha mwilinso yaholo waho. <sup>6</sup> Usahazipele imbwa ivintu ivyinza usahazisumbile ungurubhi ishalye ishinza zinzananganye na khanye ni vinama habhili bhanza hulye nawe. <sup>7</sup> Labha ubhaposhele. Anza, nawe ubhapate. Khoma ihodi, anzahuhwigulile. <sup>8</sup> Pipo ya labha aposhela, na wowonti yahwanza aposhela. Umuntu yakhoma ihodi, ahumwigulila. <sup>9</sup> Aliho humwinyu umuntu umwana wakwe nkalabha umukate ahupela iwe? <sup>10</sup> Au nkanabha isamaki ahupela inzoha? <sup>11</sup> Nkushele, mubhimbibhi muminye hubhapele abhana bhinyu ivintu ivyinza, Je! Ungulubhi wenyu uwahumwanya sangabhapela hanii ivyinza bhebha hunabha umweene? <sup>12</sup> Ishi shuhwanza

huje ubhombelwe na bhanji, nawe shubhombaje hwamwinyu, pipo izyo ndajizyo zya kuwa. <sup>13</sup> Mwinjile mulwiji unyeela. Pipo ulwiji lugosi idala ligosi lyelilongozya humwoto abhantu bhinji bhebhabhala idala ilyo. <sup>14</sup> Ulwiji unyeela lwa huwomi, abhantu bhadodo bhebhabhwinjila umwo. <sup>15</sup> Muyenyaje na kuwa abhilenga, bhebhabhwinza bhakwite ikwembe ilyingole, lakini muhati mbwa londe ihali. <sup>16</sup> Mubhabhamanye amadondo gabho. Je abhantu bhangatungula amadondo muminvwa, au mwikwi humbeyu iyi mbaruti? <sup>17</sup> Ishi ikwi lyolyonti, ilyinza lipapa amadondo aminza, lakini ikwi ibhibhi lipapa amadondo amabhibhi. <sup>18</sup> Ikwi ilyinza salingapapa amadondo amabhibhi, wala ikwi ibhibhi selingapapa amadondo aminza. <sup>19</sup> Ikwi lyolyonti lyesagalipapa amadondo aminza litemwa na pembele umwoto. <sup>20</sup> Abhantu abha bhibhi ubhabhamanye amadondo gabho. <sup>21</sup> Siga muntu wowonti yayiga, 'Ngurubhi, Ngulubhi,' yahayiyinjila hubhumwini uwahumwanya, ila yuyula yabhomba inyinza zya Ngulubhi uwahumwanya. <sup>22</sup> Abhantu abhinji isiku ilyo bhahayiyiga 'Ngulubhi, Ngulubhi, twahafumizye ukuwa hwitawa lyaho, hwitawa lyaho twahabhombile amambo minji aminza amagosi?' <sup>23</sup> U Ngulubhi ahayibhabhu aje, 'simbamineye mwepe! Ipa amwe, mubhabhomba imbibhi!' <sup>24</sup> Ishi kila muntu yahwinvwa amazwi gani na hugitishe alingana nu muntu uwihekima yazenjile inyumba yakwe pamwanya



pa mawe. <sup>25</sup> Invura yatonya, awinzi gamema ahanvulungwe hinza hayikhoma inyumba iyo seya, gwa pansi pipo yahazengwilwe pamwanya pamawe. <sup>26</sup> Lelo umutu wowonti yahwunvwa uzwi lyani lyani sahulyitiha uyo abhafane nu muntu umpumbavu yazenga inyumba yakwe pamwanya pansanga. <sup>27</sup> Invula yinza, na minzi gamema na hamvulungwi hinza hayikhoma inyumba iyo yagwa na malishe pepala.” <sup>28</sup> U Yesu lwa hamala ayanje amazwi iga, abhantu bhahaswijile lwa hamanyizyaga. <sup>29</sup> Pipo ahamanyizyaga ndeshe umuntu uwimamlaka siyo ndeshe asimbi bhabho.

## Sura ya 8

<sup>1</sup> U Yesu lwahiha pansi afume mwigamba, impuga ya bhantu yahasojeliye. <sup>2</sup> Umukoma umo ahasugamiye hwilongolela lyakwe ahaga gosi inlabha umponye.” <sup>3</sup> U Yesu agolosyaa inyabhe yakwe ankhata amponya apona un-koma wepa. <sup>4</sup> Uyesu amuuzya aga, “Usa-hayanje hwa muntu wowonti. Bhalaga uy-ilolesye hwa mputi ufumye ni sadaka ye u Musa ahalajizize ajili yiushuhuda hubhabhinu bheb-haponile mbina” <sup>5</sup> U Yesu lwahafiha hu Kaper-naumu, un'gosi umo ahinza ahamuuzya <sup>6</sup> ahaga, “Gosi uwimbombo wani agonile hukhaya apooz-ize ivinama vibhabha haani.” <sup>7</sup> U Yesu aga ishi, “Imbahwinze humponye.” <sup>8</sup> Ugosi ayanga aga, 'Yesu, ani si ndinithamani ma-paka uyinjile muhati munyumba yani yanga izwi lwene uwimbombo abhapone. <sup>9</sup> Pipo

ani indi na mamlaka, indina sikari bhebhali pansi yani. Nkenaga bhala 'nkenaga inza ahwinza nuuwimbo wani abhomba shinisho.'

<sup>10</sup> U Yesu lwaahinvwa iga, ahaswijile nahubha bhuzye bhala bhebhahafwataga, "Lyoli ihumbabhuzya sindolile nkalumo umuntu uwilwitiho mu Israeli. <sup>11</sup> Ihubhabhuzya, bhinji bhahayiyinza afume humashariki na humagharibi, bhabhakhale pameza peka nu Abrahamu, Isaka, nu Yakobo, hu bhumwini uwahumwanya. <sup>12</sup> Lelo abhana bhibhumwini bhahayitagwa huhisi ha hunzi, hwehwaha yibha na lile na sye amino."

<sup>13</sup> U Yesu ahamuzya ugosi, "Bhalaga! ndeshe shuyitische zibhombeshe shinisho huliwe uwimbombo ahauponile isaa yiyila. <sup>14</sup> U Yesu lwaahafiha hukhaya hwa Petro, ahanola umayivyala wakwe wa Petro agonile abhinile inzegema. <sup>15</sup> U Yesu ahakhata inyobhe yakwe ni nzegema yepa apona. Adamuha ahande humpute hubhombele imbombo. <sup>16</sup> Lwe hwabha lyabhela, bhahabhaleta hwa Yesu abhantu abhimpepo. Abhaputila impepo zyepa bhapona. <sup>17</sup> Pepinipo gahaloleshe gala gegahayangwilwe nu ukuwa u Isaya aje, "U Yesu ahejile inpungo zyitu na ahazibhusizye imbina zyitu" <sup>18</sup> U Yesu lwahalola abhantu bhabhungine bhanzyunguliye, ahajile bhabhale uupande uwinji uwi nsumbi iya hu Galilaya. <sup>19</sup> Unsimbi ahinza hwa Yesu ahaga, "Mwalimu, imbahufwate poponti pubhala." <sup>20</sup> U Yesu amuzya imbweha zilina mina ni uyonyi zilinivyanswi, lakini u Yesu sali ni nyumba na pagone na pamo." <sup>21</sup> Umwanafunzi uwamwabho ahamwuzya ahaga, "Gosi ilabha uruhusa imbale

insyile uyise wani.” <sup>22</sup> Lakini u Yesu ahamuzya ahaga, “Unifwate, bhaleshe abhafwe bhasyilane bhibho.” <sup>23</sup> U Yesu na ahinjila mwitooli, abhanafunzi bhakwe bhahinjiye mwitooli. <sup>24</sup> Aminzi, gaha yingana munsumbi mpaka itooli lyahagubishilwe na minzi, lakini u Yesu ahagonile. <sup>25</sup> Abhanafunzi bhakwe bhahinza hudamusye bhahaga twokole tihwanda afwe!” <sup>26</sup> U Yesu ahaga, “Muhwogopanshi, mubhilwitiho uludodo?” Ahadamuha na huyikhajile impepo ni nsumbi pamandi hwabha myee, <sup>27</sup> abhalume bhahaswijile bhaga, “Umuntu unu alibhulibhuli huje ni mpepo izya munsumbi zihumwitiha umwene?” <sup>28</sup> U Yesu lwa ahinza hunsi iya Magadala, abhalume bhabhili bhahali ni mpepo bhahakhomana nawo. Bhahafumiye humbipa bhahali bhakhali haani numo umuntu wakashilaga idala lila. <sup>29</sup> Bhahakholile na jeishi, tilinahenu nawe mwana wa Ngulubhi? Uyinzile ipa hutiyinnye ahabhalilizyo she hasili?” <sup>30</sup> Ishi hwahali impuga ingosi iyingurubhi lyahadimaga sepahali patali hani pebhahali, <sup>31</sup> impepo zyahalilaga hwa Yesu naje, “Tifume titwale mumpuga yingurubhi.” <sup>32</sup> U Yesu ahazibhuzya impepo ahaga, bhalaji mungurubhi. Impepo zila lwezyahinjila mungurubhi, ingurubhi zyahashimbiliye munsumbi afume, mwigamba zyahafwila muminzi. <sup>33</sup> Abhalume bhebhadimaga ingurubhi bhashimbiye. Lwe bhahala humujini bhahayinje zyonti zyezyahafuniye hwa alume bhebhalali nimpepo. <sup>34</sup> Ikhaya yonti yahinza atangane nu Yesu. Lwe bhahanola u Yesu bhahamuzya aje ayepe mumpaha zyabho.

## Sura ya 9

<sup>1</sup> U Yesu ahinjila mwitoli, ahafwimila ahafiha hunsi ya hakhalaga. <sup>2</sup> Bhahanetela, umuntu ya polile ubili agonile pashitala. Lwahahulola ulwitiho lwabho u Yesu ahamuzya umuntu yapolile, “Mwanawi ushanje, ukhombhosheye imbibhi zyaho.” <sup>3</sup> Abhalimu bhamo abhilenga bhahayanjizanya bhibho hu bhibho, “Umuntu unu alinindigo” <sup>4</sup> U Yesu ahamanya insibho zybho naje yeenu musibha imbibhi mummyoyo ginyu? <sup>5</sup> Henu hehinza aje ikhobhosheye, ‘Imbibhi zyaho na aje, ‘imililila ujende?’ <sup>6</sup> Ishi mumanye aje wa Adamu alini nguvu izyahubhakhobhoshele imbibhi.” ahayanjile izi hwula yapolile, “Imilila, uyitwinshe igodoro lyaho ubhale hukhaya yaho” <sup>7</sup> Umuntu ula ahimilila nasogole abhale hukhaya yakwe. <sup>8</sup> Impuga ya bhantu lwe bhahalola igo, bhahaswijile na hunttime u Ngulubhi, yabhapiye inguvu izyo abhantu. <sup>9</sup> U Yesu lwahashilaga afume ipo ahanola umuntu yahwitwa itawa Mathayo, yahakhiye pebhafumizya insoho. Wope ahabhahuzya, “Munfuate ani” Wope ahimilila ahafwata. <sup>10</sup> U Yesu lwahakhiye alye ishalye munyumba, bhahinzi bhebhafumya insoho bhabhinji na bhantu abhimbibhi bhahaliye peka ishalye nu Yesu peka abhasunde bhakwe. <sup>11</sup> Afalisayo lwe bhahalola isho bhahabhabhuzya abhasende bhakwe, yeenu u Yesu alya ishalye na bhantu abhafumya insoho na bhantu abhimbibhi?” <sup>12</sup> U Yesu lwa ahivwa igo, wope ahayanga “Abhantu bhesebhabhinile sebhahwanza unganga,

ila bhebbabhinile. <sup>13</sup> Ihwanziwa huje mubhale mumanyile imaana yakwe, “Insungwa irehema siga izabihu” Pipo senahinzile hubhantu abhimbibhi. <sup>14</sup> Abhasunde bha Yohana bhahinza hukwakwe na aje, “Yeenu ati na mafalisayo tifunga, lakini abhasunde bhaho sebhafunga?” <sup>15</sup> U Yesu ahabhabhuzya ahaga, Je abhalolezi bhi weji bhangaswimalwe bhali peka nu gosi wiweji? Lakini insiku zihwinza insiku ugosi wi weji ahayisogola pebhahayifunga. <sup>16</sup> Nuumo umuntu yabhiha ishipande shimwenda umpya humwenda uwimandi, ishulaka shibhadebushe afume humwenda na abazushe haani hubhafumile. <sup>17</sup> Nabhamo abhantu bhebbabhiha ihombwa mushombo ishihombwa inkulu, nkushele bhabhomba, ingozi ibhadebushe ihambwa ibhafume na nanjische. Badala yakwe, ubhiha ihombwa impya mungozi impya vyonti vibhabha salama. <sup>18</sup> U Yesu lwahabhabhuzya amambo iga, ahali, ugosi umo ahamwinamila mwilongolela lyakwe ahaga, “Unindu wani afwiye shinishi inza umponye abhapone abhabhe mwoomi. <sup>19</sup> U Yesu ahimilila na huusojelele na bhasunde bhakwe. <sup>20</sup> Ahali, ushi yahafumaga idanda amaha kumi na mbili ahasojelela pipi nu Yesu ahayikhata inkanzu ya Yesu. <sup>21</sup> Pipo ahayile, “Nkushele na bhukhata umweudo wa Yesu imbapone.” <sup>22</sup> U Yesu ahagaluhana na humwenye na humuuzye, “Ninda uyipele umwoyo, nu ulwitiho lwaho lubhombile aje upone,” Ahabhalilizyo hiniho unshi ula ahapona. <sup>23</sup> U Yesu lwahafiha hukhaya ya gosi, ahabhalola bhebbakhoma ifilimbi na impuga ya bhantu

yahakhomaga ahalanga. <sup>24</sup> Wope ahaga, “Epi ipa, unindu saafwiye agonile. Lelo abheene bhahanseshile haani. <sup>25</sup> Abhantu bhala lwebha fuma hunzi, wope ahinjila huhati na hunkhate inyobhe unindu ahadamuna. <sup>26</sup> Inongwa zyahayeha insi yonti. <sup>27</sup> U Yesu lwahashilaga afume pala, abhalume bhabhili bhesebhabwenya amaso bhahausejelela. Bhahendeliye akhole bhahaga, “Tilabha utiponye, Mwana wa Daudi.” <sup>28</sup> U Yesu lwahafishile hukhaya, bhala bhesabhabwenya amaso bhahinza hukwake. U Yesu ahabhabhuzya, “Muhwitiha huje ingabhaponya?” Bhope bhahaga “Ena, Gosi” <sup>29</sup> U Yesu ahakhata amaso gabho naje zibhombeshe isho hulimwe ndeshe ulitiho lwinyu sheluhi” <sup>30</sup> Na amaso gabho gahanda ahwenye. Pe Yesu ahakhajilizya hunguvu na yanje “Mwenyaje umuntu wowonti asahamanye ijambo ili.” <sup>31</sup> Lelo abhantu bhabhili bhahasogoye alumbilile ahusu amambo iga isehemu zyonti izyinkhaya. <sup>32</sup> Pe pinipo abhalume bhala bhabhili lwe bhahasogolaga, ahali, umuntu umo aliyububu impepo zyahamwinijiye bhahaletwa hwa Yesu. <sup>33</sup> Impepo lwezayahamwepa umuntu ububu ahanda ayanje. Impuga yahaswiga naje setilolile nkalumo amambo iga gegafumiye mu Israeli. <sup>34</sup> Lelo afalisayo bhayangaga hwa gosi wi impepo ahugabbinga amapepo.” <sup>35</sup> U Yesu ahabhalile ikhaya zyonti ni vijiji vyonti. Ahendeliye amanyizye mumasinagogi, alumbilile izwi ilyibhumwene na ponye impungo zyonti nu bhuzafu wonti. <sup>36</sup> Lwa ahenya impuga, ahabhaloleye inkumbu, pipo bhahayimbile navunzisho mumwoyo. Bhahali ndeshi in-

gole zyesazili nu udimi. <sup>37</sup> Wope ahabhabhuzya abhasunde bhakwe ahaga, “Amavuno minji, abhabhomba mbombo bhadodo. <sup>38</sup> Ishi lubhilo tinabhe ugosi wi mavuno, nke huje atume abhabhomba mbombo mugunda gwakwe.”

## Sura ya 10

<sup>1</sup> U Yesu abhakwizya abhanafunzi bhakwe kumi na bhabhele peka nahupele amamulaka juu yimpepo imbibhi, hubha khalipile na habhadigizye na ponyle iayina zyonti zimagonjwa ni ayina zi mpongo. <sup>2</sup> Amatawa kumi na gabhele gatumwa. Lyawhande u Simeoni (ambaye tena agiziwaga yu Petro), nu Andrea ukolo wakwe, u Yakobo umwana wa Zebedayo, nu Yohana ukolo wakwe: <sup>3</sup> U Philipo, nu Bartelemayo, Thomaso, nu Mathayo usonkolezya uwushuru, u Yakobo umwana wa Alfayo, nu Tadeo, <sup>4</sup> U Simoni mkananayo, nu Yuda Iskariote, walisaliti. <sup>5</sup> Ebha kumi na bhabhele u Yesu abha sontelezezye. Nape abhaelekezezye ayanjile “Msahabhale ishemu uhabhakhala amataifa na msahinjile mizikhaya zya Bhasamalia. <sup>6</sup> Badala yakwe, mubhale hungole zizitejile ziyumba yi Israeli. <sup>7</sup> Na lwamubhala lumbililaji na yanje uwumwene wa humwanya upalamiye.’ <sup>8</sup> Bhaponylaji abhabhinu, zyosyaji abhafwe, safisyaji bhiukoma na digizye impepo. Mposheleye wene fumyaji wene. <sup>9</sup> Usaheje iwe lihela, ialmasi au ishaba mumpogoso zyenyu. <sup>10</sup> Usaheje imbugulu katika isafari yenyu, au amenda giziada, vilyato au endesa, afatanaje umombi ahanziwa ishalye

shakwe. <sup>11</sup> Ikhaya yoyonti au ishijiji shamway-ihijila, anzi wahubhafa na mukhale epo hadi lwamwayisogola. <sup>12</sup> Lwamwayihinjila munyumba lamubhi, <sup>13</sup> nkesho inyumba ifaa, uwinza wenyu u syale epo, ila nkesho inyumba sigiifwa, uwinza wusogole peka namwe, <sup>14</sup> Na whabhala bhasaga bhahubhaposhela amwe au atejelezye amazu genyu, isala zyamusogola hunyumba au hukhaya eyo, jipukuti masuto gilwayo lwenyu pamahali epo. <sup>15</sup> Lyoli ihumbawozya, gayibha gajimbe hani amiji gi Sodoma ni Gomorah whisiku lilongwe kuliko umuji ago. <sup>16</sup> Enyi, ihubhatuma hansi ingole pakasi yimbwalonde, eshi bhanje nuwelewa hansi inzoha na bhapomakati hansi enjebha. <sup>17</sup> Mubhanje bhenyelezi na bhantu bhanza hubhatwale humabaraza, na hubhakhome muvibhanza. <sup>18</sup> Na mwayiletwa whilongolela lyabha gosi na bhamwene husabu yane, hansi usimisizyo humwawo na humataifa. <sup>19</sup> Hubala lwabhayituhumu, musahabhe niwasiwasi shinamunawele shayanje, afwatanaje ishintu shayanje mwayipewa husala eyo. <sup>20</sup> Afwatanaje sagamwemwe mwayiyanga, ila Upepo wa Baba wenyu ayiyanga muhanti yenyu. <sup>21</sup> Uholo ayihumwinushila uholo wakwe hugoje, baba whamwana wakwe. Abhana bhayihwemelela dhidi ya pafi, na hubasababisizye ufwe. <sup>22</sup> Namwe mwanyivitalwa na kila muntu husabu yitawa lyane. Ila wowonti wayijimbilila hadi humwisho umuntu oyo ayiauliha. <sup>23</sup> Isala yabhahubhatesa katikaikhaya ene, shembelelaji ikhaya yifatila, lyoli ihabhawozya, zyonti zi



Israeli kabla ya mwana wa Adamu sagawelile. <sup>24</sup> Umwanafunzi saga gosi ashile umwalimu wakwe, wala umutumwa walihumwanya ya Gosi wakwe. <sup>25</sup> Itosya wha mwanafunzi aje abhe hansi umwalimu wakwe, nu mutumishi hansi u Gosi wakwe. Nkesho bhan'kwizizye Ugosi winyumba Belzabuli, hushiasi wele hani bhanzahubha kashifu bhinyumba yakwe! <sup>26</sup> Esho basi musawogope abhene, afwatanaje hamuna ijambo lyasagalyayi kwinkuliwa, nalimo lilifishe lyasagalyaimanyiha. <sup>27</sup> Shila shihubhawozya muhisi, shiyangaji umuzelu na shamushevwa huulayini mumakutu genyu mshitangazywe lwa-muli pamwanya yinyumba. <sup>28</sup> Mubawogope bhala bhabhagogo obele ila sagabhalinuwuwezo wagoje umwoyo. Badala yakwe, mogopaji ola wawezya ahangamizye ubele nu moyo hula whilongo. <sup>29</sup> Eshi ikaziwa husenti indodo? Hata shesho enemo yiwezya agwe pansi bila ubaba wenyu amanye. <sup>30</sup> Ila hata iidadi yinsisi zyenyu zi bhaziwilwe. <sup>31</sup> Mugaje abhe niwoga, afwatanaje mlinithani hani kuliko ikasuku iny-inji. <sup>32</sup> Esho basi kila weka wayihuneteha whilongolela lya bhantu, nane tena nayihumweteha whilongolela lya Baba wane walihumwanya. <sup>33</sup> Ila uwene wayihukhana whilongolela lya bhantu, nane tena nayihukhana whilongolela lya Baba wane walihumwanya. <sup>34</sup> Musasebhe aje enenzele alete uwinza panse. Saganahenzele aete uwinza, ila ipanga. <sup>35</sup> Afwatanaje nahenzele ahumehse umuntu ashindane nubaba wakwe, nu mwale dhidi ya maye wakwe, ukhoyi dhidi ya

khoyi wakwe. <sup>36</sup> Umibhi wa muntu bhanzabhe bhabhala bha munyumba yakwe. <sup>37</sup> Uwene wagene ubaba au umaye hani kuliko ane oyo saga ahufhaa. Nu wene wagene ovwele au umwale hani kuliko ane oyo sagaahufhaa. <sup>38</sup> Uwene wasaga bhawhangate ikhobbehanyo na hufhate ane saga ahufhaa. <sup>39</sup> Uwene wayiwhanza ukhalo ayihugatezya. Ila uwene wayitezya ukhalo kwa ajili yane ayihwuwaga. <sup>40</sup> Uwene wayihubhakaribisya ankalibisizye nene, nu mwene wayihunkalibisya ane ankalibisizye iwene wantumile ane. <sup>41</sup> Nu mwene wayihunkalibisya ukuwe kwa sababu kuwe ayiposhela ithawabu ya kuwe. Nuwene wayihunkalibisya uwihaki kwa sababu muntu wihaki ayiposhela isawabu ya muntu wi haki. <sup>42</sup> Wowonti ayihupela weka wa dodo ebha, hata ishikombe shimenze gamwele gagakhateye, kwa sababu uwene yumwanafunzi, lyoli ihumbawozya, uwene sagayiwezya akose whidala lyolyonti ithawabu yakwe.”

## Sura ya 11

<sup>1</sup> Yabha baada ya Yesu amale hubhaelekezye abhanafunzi bhakwe kumi na bhabhele asogoye hu plae abhale amanyizye na lombelele katika ikhaya zyawo, <sup>2</sup> nu Yohana lwali mwigereza lwahevwezye lwalihumwanya yimbombo zya Klisiti, atumile uwujumbe abhilile abhanafunzi bhakwe, <sup>3</sup> na bhamozelezya, “Awe yoyola wawhenza au huliuwamwawo tiwhanziwa humwenyelezye?” <sup>4</sup> U Yesu ajibu na yanje humwawo “Bhaji mumozye u Yohana

gala gamuhugalola na gala gamuhugevwa. <sup>5</sup> Abhantu bhasabhalola, bhapata alole, iviwete bhajenda, abhakoma bhatakasiha, abhantu bhasaga bhawhevwa bhahevwa tena, abhantu bhabhafwiye bhazyoswa apate uwomi, na abhantu bhabhanza bhalombelewa ihabari inyinza. <sup>6</sup> Na asayiwilwe ola wasagalola amashaka juu yane. <sup>7</sup> Humuda abhantu ebha lwabhasogola, u Yesu ahandile ayanje ni mpoga juu ya Yohana, "Mwabhulile awhenye iyenu whijangwa \_\_itete liyinzanywa ninkongu? <sup>8</sup> Ila yenu mwabhalile awhenye\_\_ umuntu wakwete amenda amalayini? Lyoli, bhala bhabhakwata amenda amalaini bhakhala munyumba zishimwene. <sup>9-10</sup> Ila mwasogoye alole iyenu-Ukuwe? Ee, ihumbwawozya ni zaidi ya Kuwe. Ono yuyo wasimbiwilwe, 'Enya, ihutuma ujumbe wane whilongolela yimaso gakwe, wayi andaa idala iyaho whilongolela lyaho. <sup>11</sup> Ane ihumbawozya ilyoli, kati ya bhapapwilwe na bhashe nomo waligosi kuliko u Yohana umozyaji. Ila walidodo katika umwene wa humwanya gosi ashile umwene. <sup>12</sup> Afume insiku zya Yohana umozyaji hadi isalezi, umwene wa humwanya wuli wengovo, na bhantu bhabhali bhengovo, bhahuwega hongovo. <sup>13</sup> Afwatanaje akuwe ni ndajizyo, bhakuwilwe hadi wha Yohana. <sup>14</sup> Na nkesho mulitayari awheteshe, ono yu Eliya, ola wawhenza. <sup>15</sup> Wali na makutu gawhevwe nayevwaje. <sup>16</sup> Endanganisye ni yenu ishi papo eshi? Shi fano shabhana bhabhawhanga mumaeneo gisoko, bhabhakhala na kwizanye <sup>17</sup> na yanje, 'Tabhakhomeye izomari

na sagamwahanjile. Talilile na sagamwakholile.'  
<sup>18</sup> Afwataje u Yohana ahenzele bila alye amabumunda au amwele ihombwa, na bhabha bhayanga, 'Ali ni pepo.' <sup>19</sup> Umwana wa Adamu ahenzele alya na mwele na bhayanga 'Enya, muntu unylavi na ukholwe, rafiki wa sonkola uwushuru na bhimbibhi!' Ila injele iloleha humbombo zyakwe." <sup>20</sup> U Yesu ahandile huyikhalipile ikhaya ambamo baadhi yimbombo zyakwe zimayeze zyatendebhe, afwatanaje bhuli sagabhutubule, <sup>21</sup> Ahele waho, Kolazini, Ole waho Bethsaida! Nkesho imbombo ingosi gngwawombeshe hu Tiro na Husidoni gala gagawombeshe epa, andi bhatubule hale whakwate amagunila na hujipashe amalota. <sup>22</sup> Ila yayibha ujivwi hu Tiro ni Sidoni isiku lilongwi kuliko hulliwe. <sup>23</sup> Aise, Kapernaum, ubheshele wayiwosewa hadi humwanya? Ndadi wayiwhiswa hadi panshi whilongo. Hansi hu Sodoma hungawombeshe matendo amagosi, hansi gagawombeshe huliwe andiileho hadi ilelo. <sup>24</sup> Eshi iyanga huliwe aje yayibha vyepesi honse yi Sodoma awhemelele whisiku lilongwi kuliko awe. <sup>25</sup> Katika humuda ogo u Yesu ayanjile, "Thutema awe, Baba, Gosi wahumwanya na panse, husababu wabhafisile amambo ega bhinjele vwelewa, na hugagubule whabhasaga bhali ni elimu, hansi abhana abhadodo. <sup>26</sup> Baba afwatanaje yasongozewelwe esho pamaso gaho. <sup>27</sup> Amambo gonti impewilwe ane afume wha Baba. Na nomo wamenye u Baba ila umwana, na wowonti ambaye umwana

ali ni hamu ya hugubulile. <sup>28</sup> Enzi huline, amwe mweni mumuyemba na wuwonelwa na mazigo amamwamu, nane imbahubhatozye. <sup>29</sup> Jiponyaji ijoko lyane na mumanyilaje afume huline, afwatanaje ane niwawhishe na mpole wimoyo na munza pate ulotoyo lwi nafsi zyenyu. <sup>30</sup> Afwatanaje ijoko lyane lilayini na izigo lyane lipoposu.

## Sura ya 12

<sup>1</sup> Umuda ogo u Yesu abhalile isiku litoyo ashilile humagonda. Abhanafunzi bhakwe bhali ni nzala na bhanda avunze amansale na hugalye. <sup>2</sup> Ila Amafarisayo lwabhalola ego, bhamozya u Yesu “Enya abhanafunzi bhaho bhavunza indajizyo bhawomba isiku zasagagaluhusiwilwe isiku lilutoyo.” <sup>3</sup> Ila u Yesu abhawozya, “Sagamubhazizye u Daudi shawombile, umuda lwali ni nzala, pamoja na bhantu bhalinawo? <sup>4</sup> Shahinjiye muhati yinyumba ya Ngulubhi nalye amabumunda gilulolesyo, ambago sagayahali halali hukwakwe alye nabhala bhalinawo, ila halali whadimi? <sup>5</sup> Bado saga mubhazizye katika indajizyo, aje katika isiku lilutuyo ndimi muhati yishibhanza bhahuyinanganya ilutoyo, ila sagabhali ni hatiya? <sup>6</sup> Ila iyanga humwenyu aje wali gosi kuliko ishishanza aleho epa. <sup>7</sup> Nkesho mwamenya eli lijulisya iyenu; iwhanza irehema na saga insayo; andisagamwalonjile bhasaga bhali ni hatiya, <sup>8</sup> Afwatanaje Umwana wa Adamu ndiyo Gosi wilutoyo.” <sup>9</sup> Tena Uyesu asogola pala abhala

hushibhanza shawo. <sup>10</sup> Enya whali nu mundu wapolile inyobhe. Amafarisayo bhamozelezya u Yesu, bhayanga. “Eshi, sawa aponyile isiku lilutoyo?” ili aje bhawezye hunshitaki wha wombe imbibhi. <sup>11</sup> U Yesu abhawozya, “Yunanu pakasi yenyu, wali ni ngole yeka, neyo ingole yagwa mhati yishimo isiku lilutoyo, sagabhahuyileme na huyefwe hongovo muhati yishimo? <sup>12</sup> Eshi, shipimo shishili shithamani, hani huje, saga hani yingole! Eshi shinza awombe aminza ibiku lilutoyo.” <sup>13</sup> Tena u Yesu amozya ola umuntu, “Nyosya inyobhe yaho” Ayinyosya napate uwinza hansi ela iyamwawo. <sup>14</sup> Ila Amafarisayo bhafuma honze bhapanga inamuna shahunteketezye bhabhalile honze apanje hushinyume shakwe. Bhawhanzaga inamuna yahugoje. <sup>15</sup> U Yesu lwahelwa elyo asogoye epo. Abhantu abhinji bhafwatile, na abhaponyila bhonti. <sup>16</sup> Abhalajizizye bhasahafanye afahamishe hubhamwawo, <sup>17</sup> aje ikamilishe ela ilyoli, yaya yangwilwe nukuwe u Isaya, ayanjile, <sup>18</sup> Enya, mombi wane wisaluye, ugonwe wane, katika uwene inafusi yane isongwezwe. Imbabhoshe umpepo wane humwanya yakwe, na abhatangazye ulongwe humataifa. <sup>19</sup> Sagaayihangayiha wala alile hungovo; wala waliwowonti awhevwe isauti yakwe mumitaani. <sup>20</sup> Sagaayihulibudala itete lilialushe, sagayizimanya uwutambi wowonti wuwufumya ilyosi, hadi lwayileta ulongwe lwamena. <sup>21</sup> Na Mataifa bhayibha udandamazu mwitawa lyakwe. <sup>22</sup> Umuntu

omo ukipofu nu bubu, wachanganyishiwilwe ni pepo aletilwe whilongolela Iya Yesu. Aponilwe, pamoja namatokewa gaje umuntu ububu ayanjile na Iole. <sup>23</sup> Amakutano wonti bhaswijile na yanje, “Awezya umuntu ono abhe mwana wa Daudi?” <sup>24</sup> Ila umuda Amafarisayo lwabhahevwa amayele ega, bhayanjile, “Ono umuntu sagaafumya impepo hungovo zyakwe yuyo ila hongovo zya Belzebuli, ugosi wimpepo. <sup>25</sup> “Ila u Yesu lwamunya insewo zyawo na hubhawozye, “Kila umwene wuwugabhanyishe uwene wunanjiha, na kila ikhaya au inyumba yigabhanyiha yene sagayayihemelela. <sup>26</sup> Nkesho Usetano, abhahumwefwe Usetano, bhasi ahujikhana hunafsi yakwe mwene. <sup>27</sup> Ni namuna wele uwomwene wakwe ubhawhemelele? Na nkesho ifumya ipepo hongovo zya Belizabuli, abhafwasi bhenyu bhafumya whidala wele? Wheli bhayibha bhalonzanyi bhenyu. <sup>28</sup> Na nkesho bhafumya ipepo hongovo zya Mpepo wa Ngulubhe, eshi umwene wa Ngulubhi wenzele humwenyu. <sup>29</sup> Nu muntu abhawezye wele awhinjile muhati yinyumba yewe ngovo na whibhe, bila hupinye wengovo kwanza? Epo panzawhibhe intabhalo zyakwe afume muhati yinyumba. <sup>30</sup> Wowonti wasagaali pamoja nane ali shinyume shane, nape wasaga awonganya pamoja nane uyo asambazya. <sup>31</sup> Eshi iyanga humwenyu, kila imbibhi ni kufuru abhantu bhayisamehewa, ila ahukufuru Umpepo ufinjile sagabhayisamehewa. <sup>32</sup> Na wowonti wayanga izu shinyume cha Mwana wa Adamu, elyo

ayisamehewa. Ila wowonti wayanga shinyume nu Mpepo ufinjile, oyo sagayisamehewa, honse ene na wala ela yiwhenza. <sup>33</sup> Au liwombe ikwi abhe linza nitunda lyakwe linza, au linanganye ikwi ni tunda lyakwe, afatanaje ikwi limanyiha whitunda lyakwe. <sup>34</sup> Amwe bhimpapo bhi nzoha, amwe mulibhabhibhi, muwezizye ayanje amambo aminza? Afatanaje ilomu liyanga afume mumbeho gagali mumoyo. <sup>35</sup> Umuntu umwinza humbeho inyinza yahumoyo gwakwe afumya inyinza, na umuntu umibhi humbeho imbibhi yimoyo gwakwe, afumya shishili shibhibhi. <sup>36</sup> Ihumbawozya whisiku li longwi abhantu bhayifumya ihesabu yikila izu lyasaga lili ni mana lyabhayanjile. <sup>37</sup> Afwatanaje humazu gaho ayibhaziwa ihaku na humazu gaho wayilongwa.” <sup>38</sup> Tena baadhi ya simbi na Mafarisayo bhajibule u Yesu bhayanjile “Mwalimu, tasongwezye arole iishara afume huliwe.” <sup>39</sup> Ila Uyesu ajibule na hubhawozye, “Ishipapo ishhibhi na shiumulala shiwhanza iishara. Ila nemo iishara yifafumwe humwawo ila ela iishara ya Yona ukuwe. <sup>40</sup> Hansi shila u Yona shahali muhati yivyanda vinswe ingosi hunsiku zitatu shasanya na nusiku, esho shesho Umwana wa Adamu shanzabhe muhati gwimoyo gwense hunsiku zitatu shasanya na nu siku. <sup>41</sup> Abhantu bhi Ninawi bhayihemelela whilongolela pamoja nishipapo sha bhantu ebha na bhayihushilonga. Afwatanaje walitubu humalombelelo ga Yona, na enya, umuntu omwugosi wizaidi ya Yona aleho epa. <sup>42</sup> Umalikiya wahukusini aiwhemelela hulongwe



peka na bhantu bhishi papo eshi nahushilonje. Ahenzele afume humwisho wense ahenze atejelezye injele ya Selemani, na enya, umuntu omo ugosi ashile u Selemani aleho epa. <sup>43</sup> Umuda ipepo ibhibhi lwalihufuma umuntu, lishilila isehemu yasagaili na menze liwhanza patoye, ila sagilihupalola. <sup>44</sup> Tena ayanga, 'Imbawele hunyumba yane yinfumile.' Lwawela ahuyaga ela inyumba ifanyiwilwe uwusafi na ili tayali. <sup>45</sup> Tena abhala na hubhalete abhanje impepo imbibhi saba zizilimbibhi hani ashile iyene, bhahenza akhale wonti pala. Ni hali yakwe ya humwisho ibha mbibhi azidi iyawhande. Esho shasho shayayibha hushipapo eshi ishibhibhi. <sup>46</sup> Umuda Uyesu lwazyongolaga ne mpoga enya, umaye wakwe na holo bhakwe bhahemeleye honze, bhahanzaga ayanje nawo. <sup>47</sup> Umuntu weka amozya, "Enya umaye waho na aholo bhaho bhomeleye honze, bhawhanza ayanje nawe". <sup>48</sup> Ila u Yesu ajibule na hubhawozye wamozezye, "Umaye wane yu nanu? Na aholobhane bhananu?" <sup>49</sup> Nape anyosizye inyobhe yakwe whabhanafunzi na yanje, "Enya, ebha bhamaye naholo bhane! <sup>50</sup> Afwatanaje wowonti wawomba amagano ga Baba wane wali humwanya, umuntu oyo ndiyo holo wane, uyilombo wane numaye wane."

## Sura ya 13

<sup>1</sup> Whisiku lila u Yesu asogoye munyumba na khale hunshenje yibahavi. <sup>2</sup> Empoga ingosi yiwongene whahu zyangole, ahinjiye mkasi

yitoli nakhale mhati yakwe. Empoga yonti yahemeleye hunshenje yibahari. <sup>3</sup> Tena u Yesu ayanjile amazu aminji hushifwani, ayanjile, “Enya, utote abhalile atote. <sup>4</sup> Lwatotaga baadhi yimbeyu zyangwiye hunshenje yidala ni nyonyi zyahenzele zyangwibile. <sup>5</sup> Imbeyu izyamwawo zyangwiye pamwanya yipakhome, ambazyo saga zyangwibile ilongo lyakwelane. Gafila zyamelile afwatanaje ilongo sagalya li nishimo. <sup>6</sup> Tena isenya lwalyatukula zyangwibile kwa sababu sagazuali namazi zyahoma. <sup>7</sup> Imbeyu izyamwawo zyangwiye muhati yimakwi gimivwa. Amakwi gimivwa gatalimpine humwanya gaziziba. <sup>8</sup> Imbeyu izyamwawo zyangwiye mwilongo ilinza na pape imbeyu, zimo mara mia moja hani, zimo sitini ni zyamwawo thelasini. <sup>9</sup> Wali namakutu ayevwaje. <sup>10</sup> Abhanafunzi bhahenzele nahumozye u Yesu, “Yenu uyanga numukutano hushifwani?” <sup>11</sup> U Yesu abhajibu abhawozya, “Mupewilwe uganilizi wa manye isiri ziumwene wahumwanya, ila humwao sagabhawilwe. <sup>12</sup> Ila wowonti walinasho, wamwene anahonjezewe hani, na ayipata ifaida ingosi. Ila wasagaalinasho hata shila shali nasho ayifyolwa. <sup>13</sup> Esho alihizya anawo hushifwani husababu hata bhalola, sagabhahala lyoli. Na hata bhahewwa sagabhahewwa wala ahelewe. <sup>14</sup> Ukwe wa Isaya wutimiye humwawo, wula wuwuyanga, “Iwamuhevwu sagamuhevwu, ila hunamuna yoyonti ela sagamumanya. <sup>15</sup> Na moyo gabhantu ebha galihisi, shikhome ahewwe, na bhagubishe amaso gawo, ili bhasawezye alole humaso gawo,

au ahovwe humakutu gawo, au amanye humoyo gawo, esho bhangewushilaga tena, nenzagahubhaponyle.' <sup>16</sup> Ila amambo genyu gasayiwilwe, afwatanaje galola, namakutu genyu afwatanaje gawhevwa. <sup>17</sup> Lyoli iwhumbawozya akuwe abhinji na bhantu bhihaki bhali ni hamu yalole amambo gala gamuhu galola, sagabhawezizye hugalole. Bhasongwelwe awhevwe amambo gula gamuhugevwa, sagabhagevwelwe. <sup>18</sup> Eshi tejelezi umufano gwatote. <sup>19</sup> Isala yeyonti lwahevwa izu liumwene na asalyelewe, epo umibhi awhenza nahushifwampe shishi malishe atotwe muhati yimoyo gwakwe. Ene mbeyu ela yitotilwe hunshenje yidala. <sup>20</sup> Uwene watolile mukhome yoyola ahulyevwa izu na huliposhele whadigane hulusongo. <sup>21</sup> Bado sagaalinamazi muhati yakwe, ila ajimbilila humuda ufupi uwakati amashida au mayemba lwagafumila kwa sababu yizu abomela gafla. <sup>22</sup> Watotile mhati yimivwa, ono yoyola wahevwa izu ila amatatizo gense nu gobezi wi utabhazi guhulifuniha lila izu lisahapape amatunda. <sup>23</sup> Watotilwe mwilongo ilinza, ono yoyola wahulyevwa izu na hulyelewe ono yoyola wapapa amatunda na whendelele apape lyeka hani yimala mia, ilyamwowo sitini, iyamwawo thelathini." <sup>24</sup> U Yesu abhapiye usifwani ishamwawo. Ayanga, "Umwene wa humwanya ulenganiswa nu muntu watotile imbeyu inyinza mugonda gwakwe. <sup>25</sup> Ila abhantu lwabhasinzila, umibhi wakwe ayenza nape atota amagogo mhati yingano tena abhala mweene. <sup>26</sup> Pamande ingano lwayamela

na fumye amazawo gakwe, nape amagogo gajitokezezye. <sup>27</sup> Na awombi bhamwenesho gonda bhahenza bhamozya, 'Gosi, sagawatotile imbeyu inyinza mogonda gwaho? Iliwele eshi lili namagogo? <sup>28</sup> Abhawozya, umibhi awombile eli.' Awombi bhamozezye, "Eshi uwhanzaje tibhale tigasenye?" <sup>29</sup> We gonda ayanjile, 'Ndadi, umuda gwamusenya amagogo munzasenye pamo ni ngano. <sup>30</sup> Galeshi gakule pamo hadi umuda gwa vune. Isala zimavuno nayiyanga whavunaji, 'Kwanza senyi amagogo nagapinyi mpoga mpoga nahugapembe, ila kusanyi ingano mwigihala lyane." <sup>31</sup> Tena u Yesu abhafumizizye ishifani ishawawo. Ayanga, uwumwene wa humwanya ulengene ni mbeyu yiharadali ambayo umuntu ahejile na huyitote mogonda gwakwe. <sup>32</sup> Imbeyu ene huwuhakika ndodo ashile imbeyu izyamwawo zyonti. Ila nkayamela ibha ngosi ashile amakwi gonti gamubustani, libha likwi, ikiasi aje inyonyi zya humwanya ziwhenza na zenje vitenjeli mmatawi gakwe." <sup>33</sup> Abhawozya ishifani ishamwawo tena, "Uwumwene wahumwanya hansi usafu wula yiyegwiwilwe noshe nahuyisanganye huvipimilo vitatu huwusu hadi vitute. <sup>34</sup> Ego gonti u Yesu gayanjile whempoga yabhantu hushifwani. Na nila shifwani sagayanjile shoshonti humwawo. <sup>35</sup> Eli lyali aje shila shashamalishe ayangwe ashilile akuwe shiwezye atimile, pala payangaga, "Nayiwhasama ilomu lyane hushifwani. Nayiyanga amambo gala gagaleho gafisiwilwe afume umusingi gwense." <sup>36</sup> Tena u Yesu ab-

haleshile amakutano na bhale kukhaya. Abhanafunzi bhakwe bhamaliye nayanje, “Tifafabulile ishifani shimagogo gahugonda.”<sup>37</sup> U Yesu ajibu nayanje, “Watolile imbeyu inyinza yumwana wa Adamu.”<sup>38</sup> Ugonda anse; ni mbeyu inyinza, ebha bhana bhiemwene. Amagogo bhana bhola umibhi, numibhi wazitotile yusetano.<sup>39</sup> Na mavuno mwisho wense, na wavunaji yuntumi.<sup>40</sup> Hansi shila amagogo shagakusanywa na pembwe mmoto, asho shesho shayayibha pamwisho wense.<sup>41</sup> Umwana wa Adamu ayihusontelezuya untumi wakwe, na wonganye afume umwene wakwe amambo gonti gagasababisize imbibhi na bhala bhabha wombamba imbibhi.<sup>42</sup> Bhayihubhataga wonti mwitanulu li moto, ambaho whayibha iholo nasye amino.<sup>43</sup> Epo abhantu bhi haki lwabha yizelupa hansi isenya mwiwumwene wa Baba wawo. Umwene wali namakutu na ayevwaje.<sup>44</sup> Umwene wahumwanya ulihansi ihazina yifisiwilwe mugonda. Umuntu ayilola nahuyifise. Katika ulusongo lwakwe abhala akazyeye vyonti vyalinavyo nakale ogonda.<sup>45</sup> Tena, uwumwene wa humwanya uli hansi umuntu wawomba ibiashara ahanza ilulu yi thamani.<sup>46</sup> Umuda gwayilola ela yi thamani, abhala akazyaya kila hantu shali nasho na huyikale.<sup>47</sup> Uwomwene wa humwanya ulihansi ulwego wauli muhati yibahari, naluwonganya iviwumbe vinamuna yonti.<sup>48</sup> Lwalwamema ulwego bhaluvutiye pamwanya. Tena bhakhala panshi bhawonganya ivintu ivinza muhati yivyombo, ila vyasaga vili

ni thamani vyatagwilwe uhutali. <sup>49</sup> Yayibha inamuna ene humwisho wense. Antumi bhayihenza nahubhatenje abhantu abhabhibhi afume mu myongoni mubhihaki. <sup>50</sup> Na tagwe muhati yitanuli limoto, uho whayibha akhole nasye amino. <sup>51</sup> Mumenye amambo gonti ega? Bhanafunzi bhajibule, “Ee.” <sup>52</sup> Tena u Yesu abhawozya, “Kila simbi wali mwanafunzi wiwumwene alengene numwenebho nyumba wafumya muhazina yakwe ivintu ivipya nivihale.” <sup>53</sup> Baada ya Yesu lwamala amifano gonti ego, asogola isehemu eyo. <sup>54</sup> Tena u Yesu afiha humukowa gwakwe nahubhafundizye abhantu mwishibhanza. Amatokeo gajwe bhaswijile nayanje, “Hoshi umuntu ono whapatile injele ene na mayele ega? <sup>55</sup> Umuntu ono saga mwana wa Seremala? Umariamumu saga mayewakwe? Na aholo bhakwe saga yu Yakobo, Yusufu, Simoni nu Yuda? <sup>56</sup> Na ayilombo bhakwe filinabho penepa pamwetu? Eshi umuntu ono agaje whi ega gonti?”. <sup>57</sup> Abhavisizye, ila u Yesu abhawozezye, “Ukuwe sagakosa abhe ninshinshi ila humwawo na honse yawo. <sup>58</sup> Na sagawezizye awombe amayeke aminji kwa sababu sagabhali nolweteho anawo.

## Sura ya 14

<sup>1</sup> Husala ezyo, Uherode ahevwezye ihabari ya Yesu. <sup>2</sup> Abhawozya ahoyi bhakwe, “Ono yu Yohana Umozyaji azyoshele afume whazimu. Eshi engovo ezyo zili hukwakwe.” <sup>3</sup> Afwatanaje u Herode ali anemile u Yohana apinya na hutaje mwijela husababu ya Herodia, oshe wa

Filipo okolo wakwe. <sup>4</sup> Afwatanaje u Yohana amozezye, “Sagashinza ahumweje umwene abhe shee wakwe.” <sup>5</sup> U Herode andiagogjile ila ahogope abhantu husababu bhanolile u Yohana aje kuwe. <sup>6</sup> Ila isala ninsiku zya papwe u Herode lwazyafiha umwale wa Herode ahanjile pakasi ya bhantu nahasongwezye u Herode. <sup>7</sup> Katika ajibu shila shasobhe zezye hundapo aje anzahupele shoshonti shanzalabhe. <sup>8</sup> Baada yashauliwe nu maye wakwe, ayanjile, “Mpele ane epa pikombe itwe lya Yohana Umozi.” <sup>9</sup> Umwene ali na masikitiho humalawo gamwale, ila kwa ajili yindapo zyakwe, afwatanaje wonti bhabhaleho pashalye pamo numwene ayanjile aje lifanyishe. <sup>10</sup> Atumile u Yohana aletwe afume whigeleza, <sup>11</sup> ili atemwe itwe lyakwe na litemwe pamwanya yisia na apewe umwale na alitwale whamaye wakwe. <sup>12</sup> Tena abhanafunzi bhakwe bhenza awheje gula ombele na syele, baada yeli bhabhalile humozye u Yesu. <sup>13</sup> Nape Uyesu lwahevwa ega, ajitenga afume isehemu ela azubha mukasi yimashua abhala esehemu yijitenjile. Umuda empoga lwayanya whali, bhafwatile lwimanama afume humijini. <sup>14</sup> Tena u Yesu ahenzele whilongolela lyawo alola empoga ingosi. Abhalolela enkombo na hubhaponyle impongo zyawo. <sup>15</sup> Ishalyabhela yakamiliha, abhanafunzi bhahenza hukwakwe na yanje, “Ene sehemu yijangwa ni siku tayari lishilile. Bhatabhanye amakutano ili bhabhale muvijiji ni bhakale ishalye kwa ajili yawo. <sup>16</sup> Ila Yesu ayanjile, “Sagabhali ni haja yabhalebhewo.

Bhapeli amwe ishalye” <sup>17</sup> Bhamozya, “Epa tili-nago amabumunda gasanu neswe zebhele tu.” <sup>18</sup> U Yesu ayanga, “Galeti huline.” <sup>19</sup> Tena u Yesu ayiwozoya empoga akhale pansi yimasole. Ayega amabumunda gasanu neswe zebhele. Ayenya humwanya, asaya nabudulanye amabumunda abhapela abhanafunzi. Abhanafunzi bhayipela empoga. <sup>20</sup> Bhalya wonti bhihuta. Tena bhavikusanya ivipande vyonti vishalye nameme iviseje kumi navibhele. <sup>21</sup> Bhala bhabhaliye bhabhakadiliya aje abhalume elfu zisanu bila yabhazye abhashe na bhana. <sup>22</sup> Mara heka abhawozya abhanafunzi bhinjile mukasi yimashuwa, isala ezyo umwene abhalaga empoga bhabhaje bhewo. <sup>23</sup> Lwabhalaga empoga bhabhala bhene, azubha pamwanya yigamba apute mwene. Isala lwayali yilyabhela alihoho mwene. <sup>24</sup> Ila eshi imashua lwayali pahati yibahari yayumbaga husababu yimawimbi kwani inkongu yali yimp-isho. <sup>25</sup> Katika uusiku wi zamu ya nne u Yesu abhasojeleye ajenda pamwanya yemenze. <sup>26</sup> Isala abhanafunzi bhakwe lwabhanola ajenda pamwanya yi bahari, bhahogope nayanje, “Yuz-imu ka,” na zuyve isauti katika ihali yiwoga. <sup>27</sup> U Yesu abhawozya heka, ayanga, “Jipelaji umoyo! Nene! mugajihogope.” <sup>28</sup> U Petro anjibu whayanje, “Gosi, nkesho wewe, mbozye enenze huliwe pamwanya yimenze.” <sup>29</sup> U Yesu ayanga, “Enza.” Esho Upetro afuma mukasi yimashua na ajenda pamwanya yimenze abhale wha Yesu. <sup>30</sup> Ila u Petro lwalola amawimbi, ahogope, na whande adwine, pansi, akwizya husauti nayanje,



“Gosi, nokole!” <sup>31</sup> Digana Yesu anyosya inyobhe yakwe amosya u Petro, na humozye, “Awe wilwetehe udodo, yenu ulinamashaka?” <sup>32</sup> Epo u Yesu nu Petro bhahinjiye mumashua, inkongu yaleshile avugule. <sup>33</sup> Abhanafunzi mmashua bhansayile u Yesu na yanje, “Lyoli awe wamwana wa Ngolobhi.” <sup>34</sup> Na lwabhafwemela, bhafishile panse yi Genesareti. <sup>35</sup> Na bhantu bhi sehemu ela lwabhamanya u Yesu, bhatumile uujumbe kila sehemu zipembeni nahunete kila wabhinile. <sup>36</sup> Bhamozezye aje bhawezye aguse ikunjo limwenda gwakwe, na bhinji bhabhagubile bhaponilwe.

## Sura ya 15

<sup>1</sup> Na Amafarisayo na asimbi bhahenzele wha Yesu afume Huyerusalemu. Na yanje, <sup>2</sup> “Yenu abhanafunzi bhananganya amalisizi gazehe? Afwatanaje sagabhanawa inyobhe zyawo lwabhalya ishalye.” <sup>3</sup> U Yesu abhajibu nahubhawozya, “Namwe\_\_ yenu munanganya indajizyo ya Gosi kwa ajili yamalisizi genyu?” <sup>4</sup> Afwatanaje o Ngolobhi ayanjile, 'Ubheninshinshi wha baba waho nu maye waho; na 'Wayanga imbibhi wha baba wakwe na whamaye wakwe, na hakika afwe.' <sup>5</sup> Ila amwe muyanga, na wahumozya ubaba wakwe nu maye wakwe, “Kila ulwawwe ambalo andapatile afume huline eshe mpesya afume wha Ngolobhi,” <sup>6</sup> “Umuntu oyo sagaalinihaja yabheninshinshi wha baba wakwe. Katika inamuna ene mubadilisizye izulya Ngolobhi kwa ajili yimalisizi genyu. <sup>7</sup> Amwe bhanafiki,

shinza hansi u Isaya shakuwilwe pamwanya yenyu shayanjile, <sup>8</sup> 'Abhantu ebha bhahwfpanyila inshinshi ane humalomu gawo, ila amioyo gawo galihutali nane. <sup>9</sup> Bhahunsaya wene, kwa sababu bhafundizya amamanyizyo agali malajizyo gabhanadamu." <sup>10</sup> Epo abhakwizizye ikusanyiho na hubhawozye, "Tejelezi na mumanye\_\_ <sup>11</sup> Nahamo ahantu hahahinjila mwilomu lya muntu nahumombe ubhibhi. Ila, shila shishifuma mwilomu eshi shesho shimomba umuntu abhe mibhi." <sup>12</sup> Epo abhanafunzi bhamalila nayanje nu Yesu, "Eshi!, Uwhele Amafarisayo lwabhalyevwa lila izu bhaviswilwe?" <sup>13</sup> U Yesu abhajibu na yanje, "Kila likwi lwasagatotile ubaba wane wahumwanya lyayisenywa. <sup>14</sup> Bhaleshi bhene, abhene bhalongozi bhvipofu. Hansi umuntu shipofu abhahunongozye ushipofu uwamwawo, wonti bhabhele bhanzagwe mwilende." <sup>15</sup> Upetro ajibu na humozye u Yesu, "Tiwozye umfano ogu hulite, <sup>16</sup> U Yesu ajibu, "Namwe bado sagamuhelewa? <sup>17</sup> Namwe sagamuwhenya aje shila shishi bhala mwilomu shishilila muvyanda na bhale muchoho? <sup>18</sup> Ila ivintu vyonti vivifuma mwilomu vifuma mhati yimoyo. Shesho ivintu vihumeha umuntu ubhibhi. <sup>19</sup> Afwatanaje katika umoyo gafuma amawazo amabhibhi, ugoji, uumalaya, uashelati, uwibha, uashuda wilenga ni ndigo. <sup>20</sup> Ega gamambo gahumeha umuntu ubhibhi. Ila alye bila anawe inyobhe sagahuumomba umuntu abhe mibhi." <sup>21</sup> Epo u Yesu ayepa isehemu ela nahujisegusye ae-

leshela uhupande wi miji gi Tiro ni Sidoni. <sup>22</sup> Enya ayenza onshe Umkanani afume uwupande owo. Azuvya isauti ayanga, “Ndolele inkombo, Gosi, Mwana wa Daudi; umwale wane ayemba hani ni mpepo.” <sup>23</sup> Ila u Yesu sagaajibule izu. Abhanafunzi bhakwe bhenza bhanabha bhayanga, “Mwefwe abhaje ulwakwe, maana ahutikhomela ihalanga.” <sup>24</sup> U Yesu abhajibule nayanje, Saganatumwile wha muntu wowonti ila whingole zizitejile zinyumba yi Israeli.” <sup>25</sup> Ila ahenzele na whiname whilongolela lyakwe, ayanga, “Gosi navwe.” <sup>26</sup> Ajibule na yanje, “Sagashinza awheje ishalye shabhana na huzitajile embwa.” <sup>27</sup> Ayanga, “Eshi, Gosi, hata esho embwa indodo zilya ishalye shishigwa pameza pa Gosi wawo.” <sup>28</sup> Epo u Yesu ajibu na yanje “Anshe, ulweteho lwaho gosi.” Na ifanyishe huliwe hansi shuwhanza.” Nu mwale wakwe ali aponile husala yeyo. <sup>29</sup> U Yesu asogoye isehemu ela nabhale karibu ni bahari yi Galilaya. Tena abhala humwanya yigamba na khale oho. <sup>30</sup> Empoga ingosi yahenza hukwakwe. Na hunetele bhasaga bhajenda avipofu, abubu, bhishilema na bhanje vinji, bhabhali bhabhinile. Bhabhabheshele pamanama ga Yesu abhaponyla. <sup>31</sup> Na bhene empoga bhaswijile lwabhalolile amabubu bhayanga, ni vilema bhabhewha womi, aviwete bhajenda, nivipofu bhalola. Bhatemele Ongolobhi wi Israeli. <sup>32</sup> U Yesu abhakwizize abhanafunzi bhakwe nayanje, “Imbalol-eye inkombo impoga, husababu bhali nane hinsiku zitatatu bila alye ahantu hohonti, sigimbahub-

halaje bhabhale humwawo bila alye, bhasa hazimile mwidala.”<sup>33</sup> Abhanafunzi bhakwe bhamozya, “Tibhawezye apate amabumunda gatosye epa pinyiha awhigitizye empoga ingosi eshi?”<sup>34</sup> U Yesu abhawozya, “Muli na mabumunda galenga?” Bhayanga, “Saba, neswe indodo ndodo.”<sup>35</sup> U Yesu ayiwozya empoga ikhale pansi.<sup>36</sup> Ahejile gala amabumunda saba neswe, na baada ya husalifwe, agamensula na hubhapele abhanafunzi. Abhanafunzi bhabhapela empoga.<sup>37</sup> Abhantu bhonti bhalya natosewe. Bwawonganya gagasyalile ivipande vivyalye vya vvasageye vipande vipande, vyamemile iviseje saba.<sup>38</sup> Wonti bhabhaliye bhali alume elfu zene bila abhashe na bhana.<sup>39</sup> Tena u Yesu alaga empoga bhabha bhewo na ayinjila mkasi yi mashua na bhale isehemu zi Magadani.

## Sura ya 16

<sup>1</sup> Amafalisayo na Masadukayo bhamwenzeye na hunenje u Yesu abhalolesye iishara yifuma humwanya.<sup>2</sup> Ila u Yesu abhajibule na hubhawozye aje “Nkayabha lyabhela muyanga aje ihali yihewa nyinza, afwatanaje ianga lishamamu.<sup>3</sup> Ni shapwi muyanga ihali yihewa yilelo saganyinza afwatanaje ianga lishamamu na mabhengo galigubishe ianga lyonti, mumenye afasiri uloleho wianga, ila sagamuwezya afasiri iishara zimusala.<sup>4</sup> Ishizazi ishighbhi nishi umalaya shiwhanza iishara ila nemo ishara yoyonti shashaipewa, ila ela ya Yona. Na tena u Yesu abhaleha nasogole ulwakwe.<sup>5</sup> Abhanafunzi bhenza

uwupande wabhele, ila bhahewelwe aheje amabumunda. <sup>6</sup> U Yesu abhawozya “Shebhaji na mubhanje shinza nusafwe Wimafarisayo na Masadukayo.” <sup>7</sup> Abhanafunzi bhayangana mwikundi lyawo na yanje. “Afwatanaje saga tahejile amabumunda.” <sup>8</sup> U Yesu alimanya elyo nayanje, “Amwe mwelweteo udodo, yenu msebhele nayangane mkati yenyu nayanje aje kwasababu sagatahejile amabumunda? <sup>9</sup> Eshi bado sagamutambula wala saga mukomboha gala amabumunda gasanu hubhantu elfu zisanu nivitondo vilenga vyamwa wonganyenye? <sup>10</sup> Au amabumunda saba huabhantu elfu zene ni vitondo vielenga mwawonganyenye? <sup>11</sup> Iliwele hata sagamuhelewa yabhe nalisigiyanganamwe pamwanya yimabumunda? Jitunzaji na shebhaji nu safwe Wimafarisayo na Masadukayo.” <sup>12</sup> Tena bhamanya aje alisagayanga pamwanya yashebhe na mabumunda gagali nu safu ila ashebhe amamanyizyo gi Mafarisayo na Masadukayo. <sup>13</sup> Isala u Yesu lwafishile sehemu zi Kaisaria yi Filipi, abhawozelezya abhanafunzi bhakwe, ayanga, “Abhantu bhayanga umwana wa muntu yu nanu?” <sup>14</sup> Bhayanga, “bhamo bhayanga aje yu Yohana Umozi; bhamo, yu Eliya; na bhamo, yu Yerima, au wiweka na kuwa. <sup>15</sup> Abhawozya, amwe muyiga ane ni nanu? <sup>16</sup> Ajibu, Usimoni Petro ayanga, “Awe wa Klisiti wamwana wa Ngulubhi wali momi.” <sup>17</sup> U Yesu ajibu na humozye, “Usayiwilwe awe, Simoni Bar Yona, afwatanaji idanda ni nyama sagavyafunuliye eli, ila

Ubaba wane wali humwanya. <sup>18</sup> Nane tena ihuwozya aje awe wa Petro, na pamwanya yikhome ogu nayihulizenga ishi bhanza shane. Amalyango gawhilongo sagagayi hulishinda. <sup>19</sup> Nayihupela awe infwungulo zi umwene wahumwanya. Shoshonti shawayishigalila panse shayibhashi galililwe humwanya, na shoshonti shawayihungula panse shayibha shuguliwilwe humwanya.” <sup>20</sup> Tena u Yesu abhawozya abhanafunzi bhasamozye umuntu wowonti aje umwene ali yu Klisiti. <sup>21</sup> Afume isala ezyo u Yesu ahandile hubhawozye abhanafunzi aje lazima abhale Huyerusalemu, ayembe humambo aminji hunyobhe zya zehe na abhagosi bhadimi na simbizi, agoywe na z Yoshe isiku lya tatu. <sup>22</sup> Tena u Petro amwega u Yesu hunshenje, nahukhalipile whayanje, “Ijambo eli nalibhe hutali nawe, ugosi, eli lisatokele huliwe. <sup>23</sup> Ila u Yesu agewushe na humozye u Petro, “Wela whisalo lgane setano! awe ulishipingimizi huline, kwasabu sugusaga amambo ga Ngolobhi, ila amambo gabhanadamu.” <sup>24</sup> Tena u Yesu abhawozya abhanafunzi bhakwe, “Nkesho umuntu wowonti nkawanza hufwate ane, lazima ajikhane umene mwene, ayeje ikhobhehanyo lyakwe, na afwate. <sup>25</sup> Afwatanaje wawhanza agokole amakhalo gakwe ayihugatezya, na whawowonti wahugatezya amakhalo gakwe kwa ajili yane ayihugokola. <sup>26</sup> Eshi! Faيدا wele yayi huyipata umuntu nkapata ense yonti ila atezya amakhalo gakwe? Je! Ni kitu gani atakachotoa mtu katika kubadilishana na maisha yake? <sup>27</sup> Alenganaje umwana wa Adamu

ayinza katika utuntumu wa Baba wakwe. Nape ayihunipa kila mutnu alengane ni mbombo yakwe. <sup>28</sup> Lyoli imbawozya huli baadhi yenyu mu mweleye epa ambao sagabhayilenga ufwe hadi lwabhayihunola umwana wa Adamu lwayihenza katika umwene wakwe.

## Sura ya 17

<sup>1</sup> Insiku sita pamande u Yesu abhajile wonti nu Petro, nu Yakobo, nu Yohana uholo wakwe, na abhega hadi humwanya yigamba itali bhewo bhene. <sup>2</sup> Ageusiwa whilongoleta lyawo isola yakwe yan'gaa hansi isenya, na menda gakwe yaloleshe gagang'aa hansi umwanga. <sup>3</sup> Enya, pala bhaloleshe u Musa nu Eliya bhayanga nawo. <sup>4</sup> U Petro ajibule na humozye u Yesu, "Gosi, shinza hulite abhe penepa. Nkesho unyonywa, imbazenje ivyegu vitatu sheka shaho, na sheka kwa ajili ya Musa, na sheka kwa ajili ya Eliya." <sup>5</sup> Isala yayangaga, enya ibhengo izelu lyabhabheha inzunda, na enya, yafumile isauti afume humabhengo, iyanga, "Oyo mwanawane uganwe wiganwa nawo. Mwivwi umwene." <sup>6</sup> Abhanafunzi lwabhahewwa ego, bhagwiye shigubama na bhahogope hani. <sup>7</sup> Tena u Yesu ahenza na hubhaguse na yanje, "Woshi wala mugaje ahogope." <sup>8</sup> Nape bhahinuye isola zyawo humwanya ila sagabhanolile umuntu ila u Yesu mwene. <sup>9</sup> Na lwabhahihaga mwigamba, u Yesu abhalajizya, ayanga, "Musahafumye infumi zimaono ega hadi umwana wa Adamu lwaizyoha afume whazimu." <sup>10</sup> Abhanafunzi bhakwe bhamozelezya,

bhayanga, “Yenu asimbi bhayanga aje u Eliya ayihenza kwanza? <sup>11</sup> U Yesu abhajibu na yanje, “U Eliya ayihenza lyoli na wezye amambo ganti. <sup>12</sup> Ila ihumbawozya amwe, u Eliya ayenzele tayali ila sagabhamenye. Badala yakwe, bhamombeye amambo gabhawhanza abhene. Nesho shesho umwana wa Adamu shanzayembwe katika inyobhe zyawo.” <sup>13</sup> Epo abhanafunzi bhagundula aje ayanga habari zya Yohana umozi. <sup>14</sup> Lwabhafiha pakasi yempoga ya bhantu, umunt weka amaliye, akhama amafugamo whilongolela lyakwe, na humozye, <sup>15</sup> “Gosi, ukhowoshele umwana wane, kwa sababu aliningwa nayembe hani. Afwatanaje hahinji agwa mmoto au mmenze. <sup>16</sup> Inetile wha bhanafunzi bhaho, ila sagabhawe/i/ye huponye. <sup>17</sup> U Yesu ajibu ayanga, “Amwe ishizazi shasagashiwheteha na shishinanjische naikhula pamo namwa hadi ndii? Imbajivwanye namwe hadi ndii? Neti epa huline.” <sup>18</sup> U Yesu akhalipiye, na impepo yafumile. Usahala aponwa afume isala yeyela. <sup>19</sup> Tena abhanafunzi bhamaliye u Yesu hu siri na humozelezye, “Yenu sagatawezizye uhudigizye?” <sup>20</sup> U Yesu abhawozya, “Kwa sababu ulweteo lwenyu dodo. Lyoli ihumbawozya, nkesho munzabhe nulweteo hata udodo hansi ipunje yimbeyu yiharadali mubhawezye huliwozye igamba eli, sama afume epa, ubhale hula, nape libhasame na saguhabhabhe na hantu hohonti haha bhashindihane humwenyu. <sup>21</sup> (Simisizya: Amazu gimusitari wi 21 “Ila, iayina ene yimpepo sigiwezehana afume, ila hunsayo na galile” Sagagaloleha humasamizyo aminza



gihale). <sup>22</sup> Isala zyahali bado Hugalilaya, u Yesu abhawozya abhanafunzi bhakwe, “Umwana wa Adamu abhabheshwe munyobhe zya bhantu. <sup>23</sup> Na bhanzahugoje, ni siku lya tatu ayizyoha.” Abhanafunzi bhazugumiye hani. <sup>24</sup> Nape lwabhafiha Hukapernaumu, abhantu bhabhawonganya ikodi yinusu shekeli bhamalila u Petro na yanje, “Aje umwalimu wenyu alipa ikodi yinusu shekeli?” <sup>25</sup> Ayanga, “Ee” Ila u Petro lwayinjila mukasi yinyumba, u Yesu ayanga nu Petro kwanza na yanje, “Usebhelelanshi Simoni? Amwene bhense, bhaposhela ikodi au uwushuru afume whananu? Wabhala bhahubhatabhala afume wha bhajenu? <sup>26</sup> Ni sala u Petro lwayangaga, “Afume whajenu” U Yesu amozya esho bhabhatabhalwa bhewilwe kati alipe. <sup>27</sup> Ila tisabhawombe asonkolezya ikodi bhawombe imbibhi bhala mbahari taga udobhani na uyeje ila eswe yewhenza kwanza. Baada ya hugule ilomu lyakwe ubhahuyaje omo asonkolezya ikodi kwa ajili yane na we.

## Sura ya 18

<sup>1</sup> Isala zezyo zezyo abhanafunzi bhenza wha Yesu na humoze, “Yu nanu waligosi huwo mwene wa humwanya?” <sup>2</sup> U Yesu akwizya umwana udodo, ameha pakasi yawo, <sup>3</sup> na yanje, “Lyoli ihumbawozya, nkagamtubu na bhe hansi abhana abhadodo sagamwayiweza hawhinjile huwomwene wa Ngolobhi. <sup>4</sup> Nesho wowonti wawhiha hansi umwana udodo, umuntu hansi oyo gosi huwomwene wa humwanya. <sup>5</sup> Na wowonti wahuposhele umwana udodo whitawa

lyane ahumposhela nene. <sup>6</sup> Ila wowonti wasababisya uwana kati ya weka abha bhabhahuneteha asaliti, yayibha shinza wha muntu oyo iwe igosi lya syela lipinywe msingo yakwe, na hudwinizye mwidimi li bahari. <sup>7</sup> Aheli honse husababu yisala izya viswe huje saga hulini budi husala ezyo awhenze, ila ahele whakwe muntu ola isala ezyo zibhawhenze kwa ajili yamwene! <sup>8</sup> Nkesho inyobhe yaho au inama lyaho nkalyasabisizya aviswe lidumule na litaje uhuli nawe. Shinza hani whaho awe ahinjile huwomi luli bila nyobhe au shilema, kuliko atagwe mwimoto wiwila uli ni nyobhe zyonti au amanama gonti. <sup>9</sup> Nkesho iliso lyaho livisizye, lisenye na ulitaje uhutali nawe. Shinza hani huliwe awe uinjile huwoni ni liso lyeka kuliko ataywe mumoto wiwila ali na maso gonti. <sup>10</sup> Enyi aje msanzalau weka wabha dodo ebha. Kwa maana ihumbabhawozya aje humwanya huli antumi abhene insiku zyonti bhawhenya sha Baba wane wali humwanya. <sup>11</sup> (Simisizya: Amazu gagaloleha hansi gimsitali gwa 11, “Kwa kuwa umwana wa Adamu ahenzele awhaule shila shasha tejile” Sagagaloleshe mnakala nyinza zihale). <sup>12</sup> Msabhanshi? Nkesho umuntu alini ngole mya moja, na yeka yawo yatega, eshi sagabhahuzileshe tisini na tisa mwigamba na abhale afwate yeka yitejile? <sup>13</sup> Na nkayaga, lyoli ihumbawozya, asongwa kuliko zila tisini na tisa zyasaga zitejile. <sup>14</sup> Shesho shesho, saga lugano lwa Baba wenyu wa humwanya aje weka wa dodo ebha ateketele. <sup>15</sup> Nkesho uhoho waho avisizye, bhalaga, unolesye ishida

yeleho awe numene lyali mwene. Nkabhahutejelezye, unزابه umwezizye uholo waho. <sup>16</sup> Ila nkasagabhahutejelezye, mweje, uholo weka au uwabhele hani pamo nawe, humalomu gasimisasi bhabhele au bhatatu kila izu liwezizye asimisizwe. <sup>17</sup> Na nkasholonya ahubhatejelezye wozi ishibhanza iswala elyo, nkesho asholanya tena ashitejelezye ishibhanza, eshi na abhe hansi umuntu upagani na unsonkolozya kodi. <sup>18</sup> Lyoli ihumbawozya, shoshonti shila shamwayipinya panse na humwanya shayipinywa. Na shoshonti shamwa yisatula panse na humwanya shayisatulwa. <sup>19</sup> Eshi ihumbawozya aje abhantu bhabhele pakashi yenyu nkabhetezana pamwanya yiswala lyo lyonti panse lya bhasaya, elyo u Baba wane wahumwanya ayihuliwomba. <sup>20</sup> Nkabhabha bhabhele au bhatatu wawongene peka whitawa lyane, ene endi pakasi yawo. <sup>21</sup> Tena u Petro ayenza nahumozye Yesu, "Gosi, halenga uhole wane avwisye nane insamehe? Hata mala saba?" <sup>22</sup> U Yesu amozya, "Sigiehuwozya mala saba, ila hata sabini mala saba. <sup>23</sup> Kwa sababu eyo awomwene wa humwanya ni sawa nu mwene omo wahanzaga asahihi sye ihesabu afume whaboyi bhakwe. <sup>24</sup> Lwahanda asahihisye ihesabu, uboyi weka bhaneta whamwene wali ahudayi italanta elfu kumi. <sup>25</sup> Afwatanaje sagaali ni dala lyalipe, ugosi wakwe alajizizye akazwe, onse wakwe pamo na bhana bhakwe na hantu honti hali naho, na malipo gafanyishe. <sup>26</sup> Esho uboyi agwiye, akhoma amafugamo whilongo lela lyakwe ayanga, 'Gosi, ubhe na golele pamo nane, na

imbahulipe kila hantu.' <sup>27</sup> Esho ugosi wola uboyi, afwatanaje asukumwi we hani ninkombo, anesheye na husamehe iliga elyo. <sup>28</sup> Ila uboyi ola asogoye na humwaje weka kati ya boyi bhakwe, wali ahudayi idinali mia. Akwesa, abida whimilo na humozye, 'Ndipe shila shihudai. <sup>29</sup> ILa ola uboyi uwamwawo agwiye nahu nsisitizye hani, ayanjile, 'Ubhe nugolele nane, imbahulipe.' <sup>30</sup> Ila uboyi ola wawhande akhanile. Hubadala yakwe, abhalile na huntaje mwijela, hadi lwayi-hunipa shila shahudayi. <sup>31</sup> Na lwabhalola aboyi bhamwawo shila shishifumiye. Bhasononeshwe hani. Bhahenzele na humozye, ugosi wawo shila hantu hatokeye. <sup>32</sup> Ndiyo ola ugosi wa boyi ola akwizizye, na humozye, awe boyi mibhi nasamehile ane iliga lyane lyonti kwa sababu wand-abhile hani. <sup>33</sup> Ashi! Sagawahanziwaga abhe ninkombo wha boyi abhamwenyu, hansi ane shanaloleye enkombo awe? <sup>34</sup> Ugosi wakwe avitilwe na humeshe whabhala bhabhayemva hadi lwailipa ishipimo shonti shadayiwaga. <sup>35</sup> Esho shesho Ubaba wane wa humwanya shaihubhawombela, nkesho kila weka wenyu saga ayi-husamehe uholo wakwe afume mmojo genyu."

## Sura ya 19

<sup>1</sup> Hafumiye abhazyo u Yesu lwemalile amazu ego, asogoye Hugalilaya, na abhalile mu mpaho mwi Yudea whilongolela yisoho li Yordani. <sup>2</sup> Impoga ingosi yafwatile, na abhaponwe oho. <sup>3</sup> Afalisayo bhamaliye, bhanenjele, bhamozya, "Eshi halali wha muntu

huneshe oshe wakwe husababu yoyonti?”<sup>4</sup> U Yesu abhajibu na yanje, “Sagamwabhazizye, aje uwene wabhawombele hulwawhande abhawombele unume noshe?”<sup>5</sup> Na tena ayanjile, ‘Hu sababu ene u nume ayihuneha ubaba wakwe nu maye wakwe na aungane nubhe wakwe, newo bhabhele bhayibha bele gweka?’<sup>6</sup> Esho saga bhabhele tena, ila bele gweka. Eshi, hala haunganisizye o Ngolobhi, umuntu wowonti asalehanye.”<sup>7</sup> Bhamoza, “Eshi yenu u Musa atiwozezeye afumye ihati yitalaka na huneshe?”<sup>8</sup> Abhawoza, “Hukhome wimoyo genyu u Musa abharuhusile ahubhaleshe abhashe bhenyu, lakini afume lwawhande sagayali esho.”<sup>9</sup> Ihumbawoza, aje wowonti wahuneha oshewakwe, ila husabu yiumalaya, na humweje uwamwawo, afanya umalaya. Nu nume wanzahumweje oshe walewhilwe awomba umalaya.”<sup>10</sup> Abhanafunzi bhamoza u Yesu, “Nkashenesho whanume na whunshe wake sagashinza aweheje.”<sup>11</sup> Ila u Yesu abhawoza, “Saga kila muntu awezaya aposhele amamanyizyo ega, ila whabhale tu bhaluhusiwilwe aposhele.”<sup>12</sup> Ila bhaleho agomba bhapapwilwe afume mu vyanda vya maye wawa. Na shesho bhaleho agomba bhafanyiwilwe na bhantu. Na bhaleho agomba kwa ajili yiwu mwene wa humwanya. Wawezya aposhele amamanyizyo ega na agaposhele.”<sup>13</sup> Tena bhanetela abhana bhamo abhadodo ili abhabheshele inyobhe humwanya yawo na pute, ila abhanafunzi bhakwe bhabhakhalipiye.<sup>14</sup> Ila u Yesu ayanjile, “Bhaleshi abhana abhela,

wala mungaje hubhakhane awhenze huline, afwatanaje umwene wa humwanya wibhantu hansi ebha. <sup>15</sup> Nepe abhabheshela inyobhe zyakwe pamwanya yawo, natena asogola pala. <sup>16</sup> Enya umuntu weka ayenza wha Yesu na yanje, “Mwalimu, hantu wele ahinza hihanziwa awombe ili impate uwomi wiwila?” <sup>17</sup> U Yesu amozya, “Yenu uhombozelezya aje hantu wele ahinza? Aleho weka mwene umwinza, ila nkuwhanza apate uwomi, lema indajizyo zya Ngulubhi.” <sup>18</sup> Ula umuntu amozelezya, “Ndajizyo ziwhi?” U Yesu amozya, “Usahagoje, usahibhe, usawombe uwumalaya, usahasimisizye ilenga, <sup>19</sup> ubhanje nishishi wha baba waho na whamaye waho, na ugane wapashenje yaho hansi umoyo gwaho.” <sup>20</sup> Umuntu ola amozya, “Amambo ego gonti ingakhete. Igolelanshi?” <sup>21</sup> “U Yesu amozya, “Hansi nkuwhanza abhe golosu, bhalaga, ukazye vyuli navyo, na ubhapele apena ubhabhe nihazina humwanya. Eshi inzaga ufwate.” <sup>22</sup> ILa usahala ola lwahevwa gala u Yesu gamozezye, asogoye whazugumile, kwa sababu alikuwa na amemiliki mali nyingi. <sup>23</sup> U Yesu abhawozya abhanafunzi bhakwe, “Lyoli ihubhawozya, shikhome wha muntu utabhazi awhinjile huwo mwene wahumwanya. <sup>24</sup> Tena ihumbawozya, lahisi hungamia ashile mwishimo lisindani, kuliko wha muntu utabhazi awhinjile huwomwene wawha Ngolobhi” <sup>25</sup> Abhanafunzi lwabhahevwa esho bha swijile hani na yanje, “Yu nanu wayipenduha?” <sup>26</sup> U Yesu abhenya nayanje, “Wahabhanadamu

elyo sagaliwezehana ila wha Ngolobhi gonti gawezehana.”<sup>27</sup> Tena u Petro ajibu na humozye, “Enya, tileshile vyonti na hufwate awe. Hantu wele hataipata?”<sup>28</sup> U Yesu abhawozya, “Lyoli ihumbawozya, umwene wafwatileane, huu papo upya wakati umwana wa Adamu lwaikhala pitengo liumwene lituntumu wakwe, namwe mwaikhala pamwanya yimatengo kumi na gabhele giumwene, hubhalonje amakabela kumi na gabhele gi Israeli.”<sup>29</sup> Kila weka wenyu waleshile inyumba, onkolo, uyilombo, ubaba, umaye, abhana, au ugonda kwa ajili yitawa lyane ayiposhela mala mia na pyane uwomi wiwila.”<sup>30</sup> ILa abhinji bhabhali bhawhande isalezi, bhayibha bha humwisho, na bhabhali bhamisho bhayibha bhahande.

## Sura ya 20

<sup>1</sup> Hwa huje uumwene wa humwanya ulengene yalinugunda yadamuye ishandawe napwi, awale aweshe awawomba mbombo huugonda gwankwe lwa mizabibu. <sup>2</sup> Baada ya huentehana na awawomba mbombo dinari yeka hwisiku, ahawatuma awale hugonda gwankwe gwa mizabibu. <sup>3</sup> Ahawalo antele lwagashila amasala gatatu eshi ahawalola awawomba mbombo awamwao wahahemeleye bila mbombo husokoni. <sup>4</sup> Awawozyo, 'Amwe walaji hugonda wa mizabibu, hahonti hahali sawa imbalahuwapele.' Newowahavyala awombe imbombo. <sup>5</sup> Ahawala nantele lwagashila amasala sita ahawomba sheesho na masala tisa. <sup>6</sup> Ahawalilo awhamwao

nantele mumasala gakumi na moja, akhawala ahawanga awantu awhamwao wemeleye bila mbombo. Ahawawozya, 'Shonu mwemeleye epa bila mbombo yuyonti husiku lyonti?'

<sup>7</sup> Wahamuonzya aje numo umuntu wowonti yatipelile imbombo. Ahawawozya, 'Amwe namwe walanji hugonda ugwi mizabibu.'

<sup>8</sup> Amasala giliewela lwagaia, umwenesho gonda gwi mizabibu ahamozya umwemelizi wakwe, wawkunzye awawomba mbombo uwasombe umshahala, uyande uwa mwisho mpaka uwahwande.'

<sup>9</sup> Lwawafiha wala wamasala ga kumi na moja, shilaweka ahaposheye idinari.

<sup>10</sup> Lwawafiha owawomba mbombo awagwande wahasewele aje wazaposheye dinari yeka kila muntu.

<sup>11</sup> Lwawaposhela amalipo gao, waha nalamishila umwenesho gonda.

<sup>12</sup> Wahayanga, 'Ewa awawomba mbombo wa mwisho wejile isala lyenka wene kaliko awombe imbombo, lakini atifananisizye nate, ate linyumoye izigo hwisiku lyonti, nawine ni lyonto.'

<sup>13</sup> Eshi umwenesho goda ahajibu weka wao, 'Kundanu, sagaimbombile ijambo lwiwi. Je! sagalahentehene nane idinari yeka?'

<sup>14</sup> Ega hahali haho halali sogolaga. Ane ishiye huwapele ewa awawomba mbombo wimbagwelezizye humwisho sawa sawa nawe.

<sup>15</sup> Je! Sagagolosu huliwe awombe shihwanza ni maliyane? Au ilisolyaho li wiwi aje ane indi minza?'

<sup>16</sup> Eshi uwamwisho anzawe wa hwande na uwahwande azawe wa humwisho."

<sup>17</sup> U Yesu lwahazuwa awale Huyerusalemu, awawenjile awanafunzi



wakwe kumi na wawele pambembe mwidala ahawawozya, <sup>18</sup> “Enyi tiwala Huyerusalemu, na umwana wa Adamu wanzahumeshe mnyowe inzya wagosi wa Amakuhani na awandisi. Wanzahunonje afye, <sup>19</sup> wanzahufumye hwa wantu wa munsu na munsu ili wasonsye, washente, na hukhowehenye. Lakini isiku ilya tatu ahaizyoha.” <sup>20</sup> Eshi umanye wa wana wa Zebedayo ahezele hwa Yesu na wana wakwe. Ahasugamila amafugamo hwitangalila lyankwe ahanawa ahantu afume hwakwe. <sup>21</sup> U Yesu ahamozya, “Uhulanzashi?” Ahamozya, “Lajizwa aje ewa awana wane wawele wakhale, weka hukhono waho wa hunelo na weka hukhono waho wa humwongo huu umwene waho.” <sup>22</sup> Walakini u Yesu ahayanga na humuozye, “Saga umenye ahantu hulawa. Je! Uwajie amwelele ishikombe shinza mwelele?” Wamuozya, “Tuwajie.” <sup>23</sup> Awawawuzya, “Ishikombe shane lioli munza mwelele. Lakini akhale ukhono gwane wahunelona ukhona gwane ugwa humongo, sanga mbombo yane huwapele, lakini Udada wane awaweshe wala yawamenye.” <sup>24</sup> Awanafunzi awamwawo kumi lwawovya esho, wahazungumila hani na wala awahola wawele. <sup>25</sup> Lakini u Yesu ahawakwizya wawewo ahawa wozya, “Mmenye aje awalawala wa munsu wahongofya na awagosi wao wawomba amamlaka ganu mwanya yao. <sup>26</sup> Lakini isahawye esho humwenyu ishinyumw shakwe. Wowonti yahwazawe gosi hulimwe awe lazima amwe muwomba mbombo wenyu. <sup>27</sup> Na yanzawe

wa hwanda hulimwe amwe lazima awye muomba mbombo wenyu. <sup>28</sup> Nanzi umwana wa Adamu sagaahenzele awombelwe imbombo bali awombe imbombo hulimwe amwe, na afumye uwomi wakwe uwe ukombolewa huwinchi.” <sup>29</sup> Lwawahepanga Huyeriko, ikundi igosi lyahafuatile. <sup>30</sup> Wahawalolile wawabadiye amaso wawele wakheye mumbembe mubarabara. Lwawonvwa aje u Yesu wa shilaga, waha wajile ishogo na yanje, “Bwana mwana wa Daudi utusajile.” <sup>31</sup> Lakini ikundi lyahawadamie na huwawozye wapume niyie. Hatesho awene wahabwajile ishongo, hani nayanje, “Bwana, mwana wa Daudi, utusanjile.” <sup>32</sup> Epo u Yesu akhemelela na huwakwinzye na huwawuzye, “Mhwanza aje imbawombele iyenu?” <sup>33</sup> Wahayanga, “Bwana amaso gentu gafumbulilwe.” <sup>34</sup> Epo u Yesu avutwa awasajila, wapalamasya amaso gao, waposhela pepo ingovu ya lole wahafyenta.

## Sura ya 21

<sup>1</sup> U Yesu na wanafunzi wakwe bhahafia karibu Huyerusalemu na wakhawala mpaka Bethfage, hwi gamba ilya mizeituni, nantele u Yesu akhabhawonzya awanafunzi wawele, <sup>2</sup> akhawawozya, “Walaji hushijiji shishili hwilongolela isala zyezi munza huyanje idogobhi ipinyilwe pala, inyanadango yakwe. Mubhaule na huwalete huline. <sup>3</sup> Nkha muntu wowonti ahuwawozya lioliontu ahusu elyo, munza, `U Bwana ahubhanza, ` umuntu unyo hani hani anza huwenteshe

ahwenze nayo” <sup>4</sup> Ijambo elyo lyahafumie lilila lyakhayangwilwe na watumi lazima lifumile. Shakhahawozezye, <sup>5</sup> Bhawozye abhalendu bhahusayuni, enyhi uumwene wakho hu za humwenyu umwololo akhangaliye idogobhi umwana dogobhi unume, umwana dogobhi umembha. <sup>6</sup> Nantele awanafunzi bhahasogola nawombhe nanzi u Yesu shabhalajizizye. <sup>7</sup> Bhakhanetela idogobhi nu mwana dogobhi nawhesha amenda gao humwanya yao, nape u Yesu ahakhala pala. <sup>8</sup> Whinchi bhakhawongeni wakhala amenda gao mwidala, na awamo bhahadumuye amadhanzala afume mumakwi bhahalile mubalabala. <sup>9</sup> Awhinchi bhabhahatagaliye u Yesu bhala bhabhahafuatile u Yesu bhahabhanjile bhahayanga, “Hosana umwana wa Daudi! Usayhiwilwe uyezela hwitawa Iya Bwana. Hosana humwa hani!” <sup>10</sup> U Yesu lwahafia Huyerusalemu, umji ghonti gwakhongopa nayanje aje, “Uno yu nanu?” <sup>11</sup> “Awhichi wakhayanga, “Onho yu Yesu utumwa, afume Hunazareti ya Hugalilaya.” <sup>12</sup> Nantele u Yesu ahinjila hushiwanza sha Ngolobhe ahawamanyizya hoze wunti bhahakalaga na kazyemshiwanza. Antele ahagwisizye imeza zya bhahakalananga ihela ni vinti vyakhahakazianga iunda. <sup>13</sup> Akhawawozya, “Isimbwilwe, “Inyumba yane inzakwiziwe nyumba ya puutile, `eshi amwe muyiweshele lipaho Iya hupele.” <sup>14</sup> Naulele bwawabadiye bhakhalemeye bhahamalila hushibhanza nape akhabhaponizye. <sup>15</sup> Lakini awagosi wishiwanzya

na abhasimbi lwabhakhalola amayele gawombile, na lwabhahovya awana bhabwanga ishongo mshibhaza na ayanje, “Hosana amwana wa Daudi,” bhakhakhatwilwe ni lioyo. <sup>16</sup> Bhakhamuozezye, uyumvyezye shabhayanga ewa abhantu?” U Yesu akhabhawozya, “Eee! inovyezye, lakini sagamuwahile abhazye afume humalomo gabhana na awasanga bhabhahoha muli indombo kamili?” <sup>17</sup> Nantele u Yesu akhawaleha akhawala honze yikhaya huu Bethania na ahagona khuho. <sup>18</sup> Ishandabhe lwakhawelanga humjini akhali ni nzala. <sup>19</sup> Akhalola ikwi pambembe yi barabara. Akhawala, lakini sagaahapente ahantu humwanya yankwe ila amatundu. Akhaliwozezye, “Usahabhe namadondo wila wila nantele.” Amasala gengo ikwi lila lyahoma. <sup>20</sup> Abhansukulu lwabhakhalola, bhakhaswinjile na yanje, “Yabhawele ikwi lyomele sheshi sheshikhani?” <sup>21</sup> U Yesu akhabhajimbu akhabhawozya lyoli ihumbawozya aje khamli nu lwetekho bila uwonga, sangamzawombe shishiwhumbeshe hwikwi tu, lakini mnzahuwhuzye hata elugamba lyengwe na hulitanje mwidimi igosi na inzawombeshe. <sup>22</sup> Lyolyonti lyamza labhe na punte nkhamli nulweuteho munzaposhele.” <sup>23</sup> U Yesu lwakhafika mshibhanza awagosi bha makuhani na bhagogolo bha bhantu wakhamalila lwahamanyizianga, na wakhamozya, “Hungovu wele uwomba amambo enga? Na yu nanu apiye ingovu enzi?” <sup>24</sup> U Yesu ahawajibu na hubhawozye, “Nane ihumba whuzya

iswali lyekha. Nkhamuhubozya anje anane iwombo enga hungovu ya nanu. <sup>25</sup> Uwhoziwa wa Yohana- wakhafumile hwii, humwanya au hwa wantu?" Bhanayangana wene, aje, nkhatyanje whakhafumile humwanya, `anzahutiwhozye shonu sangamwaha mweteshe? <sup>26</sup> Nantele nkhatyanje whakhafumile hwabhantu, `tihuwingopa wishiwaza, sababu whunti bhahunola u Yohana aje yutumi." <sup>27</sup> Nantele bhahajibu u Yesu, "Sagatimanye" Akhabhawozya nape nane sangaihumbawhuzya hungovu wele iwhomba amambo ega. <sup>28</sup> Eshi msebha yenu? Umuntu yalinawana wawe. Akhabhala hwa weka akhamozya, `Mwanawane, bhala uwombe imbombo hugonda gwi mizabibu, <sup>29</sup> ilelo. `Umwana ahajibu na yan sangaimbala, Lakini pamande akhabadilisya isewho zyakwe akhabhala. <sup>30</sup> Na umuntu ula akhabhala hwamana wabhile humuozye shishila. Umwana ola ahajibu na yanje aje imbala, gosi,' lakini sagawabhala. <sup>31</sup> Yunanu kati ya wana bhabhile yawhombiole shahwanza uudada wakwe? Bhakhamuzya, "Umwana uwahuande." U Yesu akhabhawonganya ikondi na bhamalaya bhahaiinjila hwa mwene hwa Ngolobhe shamsele amwe ahwinjile. <sup>32</sup> Huje u Yohana akhenzele hulimwe hwidala liligoloshe, lakini amwe sagamwahaposheye, eobha whunga nya ikodi na bhamalaya bhakhaposheye. Amwe, iwamwakhallola elyo liwhombeha sangamwakha lambihe aje pamande mposhele. <sup>33</sup> Tejelezi ufyana

ungwamwao. Hwakhali umuntu, umuntu yalini sehemu ingosi iyinsi. Ahatotile amizabibu akhaga wesheye imbanga ahagombile ishombo sha nkhamile idivai, ahazenga iboma lyawalizi, ahapanjizya bhabhalimilila umuzabibu. Ahasongola akhawala insi inyamwao. <sup>34</sup> Uwakati wavune imizabibu lwabhafihia ahabhalajizya abhawomba mbombo hwabhalima amizabibu ahweje amizabibu gankwe. <sup>35</sup> Lakini bhabhalima amizabibu bhahawenga abhawomba mbombo wakwe, bhahakhoma weka bhabuda uwamwao bhakhoma weka na mawe. <sup>36</sup> Nantele ugosi ahatuma abhawomba mbombo abhamwao, winchi hani ashile wala abhahuande, bhabhalima amizabibu bha khawobile shishila. <sup>37</sup> Baada yepo ugosi ula akhatuma umwana wakwe, ahaga, 'Wazahutinishe umwana wane.' <sup>38</sup> Lakini bhabhalima amizabibu lwabhanola usahala ula, bhakhayangana, "Onu yu mrithi, Inzaji, tibude na tenye urithi.' <sup>39</sup> 'Basi bhahatanga hunze mugonda gwi mizabibu na hubude. <sup>40</sup> Jee ugosi wigonda wa mizabibu lwanza ahwenze anza huwawombe wele bhabhalima imizabibu?" <sup>41</sup> Bhakhamuozya, "Anzahubhananganye ewho awantu abhabhibhi, hwidala ikhali hani, na anza panjizye ugonda gwi mizabibu hwa bhakulima abhamwawo wamizabibu, awantu bhabhaza sombe kwajili ya mizabibu lwagazatone." <sup>42</sup> U Yesu akhabhawozya, "Aje sangamubhazizye amaandiko, iwe lwabha akhanile awazenje lyabha liwe ligosi lya msingi. Eli kyakhafumile hu Bwana, lishwizisya pamaso

gentu?” <sup>43</sup> Eshi ihumbawhuzya, u Umwene wa Ngolobhe unzahungwe agume humwenyu, wanzapelwe bhamunsi bhabhasnga amadondu gankwe. <sup>44</sup> Whowhitu yazangwe humwanya yi iwe elyo anzabuduhane buduhane. Lakini whowhunti yalinzahugwele linzahusye.” <sup>45</sup> Abhagosi wishiwanza na Amafarisayo lwawhonvya ishifano shakwe, bhakhamanya aje ahubhayanga wewo. <sup>46</sup> Lakini lwabhanzaga agolosye inyobhe hwa mwene, bhahogope awashibhaza, awantu bhakhamwenyize aje mtumi.

## Sura ya 22

<sup>1</sup> U Yesu akhayanga anao nantele hushifano, ahaga, <sup>2</sup> “Umwene wa humwanya ulingana nu mwene yayandaile isikulukulu ya weji ya mwana wakwe. <sup>3</sup> Akhatuma abhawomba mbombo wakwe huwakaribisye bhabhahanilwe ahuenzi hushi kulukulu yi weji, lakini sagabhaheza. <sup>4</sup> Umwene akhabhatuma nantele abhawomba mbombo abhamwao aje bhabhawozye wonti, bhabhahanilwe, enyi inandaile, ishalye bhawolile ni ndama yane nyinonile, na mambo gonti gali tayari, Inzaji hushukulukulu yiweji.” <sup>5</sup> Lakini abhantu sagabhahovyeyze shiza inyanwa yakwe. Abhamo bhakhabhalile humagonda na abhamo bhakhawelile humbombo zyao zya kazye ibiashala. <sup>6</sup> Abhamo bhakhabhavitililwe abhawomba mbombo wa mwene na hubhasosye na hubhabude. <sup>7</sup> Lakini umwene akhavitilwe. Akhatumile abhalungu wakwe akhabhabuda

bhala abhabudi na hubhalongolezye nu moto peka ni khaya yao. <sup>8</sup> Nantele akhabhawozya abhawomba mbombo bhakwe, “Uwenji uli tayari, lakini bhabhahanilwe sagawasajie. <sup>9</sup> Eshi bhalaji humadala amagosi mubhane abhantu winchi, wonti bhabhanza loleshe, wenze hushukulukulu yiwenji.” <sup>10</sup> Abhawomba mbombo bhakhawala mumadala amagosi, hubhakalibisye abhantu wonti bhabhakhoneha, awinza na abhawiwi. Isebule yiweje ikhamema abhajenu. <sup>11</sup> Lakini umwene lwawinjila huwenye abhajenu, akhanola umuntu weka yasanga akhali numwenda gwiweji! <sup>12</sup> Umwene akhamozyo, 'Miya ufishile wele mhanti umu bila mwenda gwiweji?' Nu muntu ula saga akhajibu nalimo. <sup>13</sup> Shesho umwene akhabhawozya abhawomba mbombo bhakwe mpinyi umuntu uno inyobhe namanama, mtaje khonze hunkisi ukhohulihole na asye amino. <sup>14</sup> Huje abhantu bhinchi wakwiziwa, lakini bhabhasalulwa, wadodo.” <sup>15</sup> Epo Amafarisayo bhakhasogola bhakhapanga isha hukhate u Yesu hunjango yakwe yuyo. <sup>16</sup> Bhakhabhatuma abhana wisukulu abhawa peka na BhaHerode. Na bhakhamuzya u Yesu, “Mwalimu, timenye aje awe uli munti wanalyoli naje umanyizya gahuanza Ungolobhe angalyoli. Sagausanga inongwa zya upendelelo hwa bhantu. <sup>17</sup> Eshi tiwozye usebha yenu? Je, shinza husheria asombe ikondi hwa Kaisari au sagashinza?” <sup>18</sup> U Yesu akhamenye ubwibwi wao akhabhawozya, shuno mulugela amwe mubwilenkha? <sup>19</sup> Mbonesi ihela yamsombela ikondi pabhahanetela impeya. <sup>20</sup> U Yesu



akhabhawozya, “Isura ni tawa eli vyananu?”  
<sup>21</sup> Bhakhajibu, “Vya Kaisari.” Pepo u Yesu akhabhawozya mpeli Ukaisari ivintu vyakwe na ivya Ngolobhe mpele u Ngolobhe.”  
<sup>22</sup> Lwawovya esho bhakhasyinjile. Nantele bhakhenekha bhakhasogola swe.  
<sup>23</sup> Isiku Amasadukayo abhamo bhaheza hwa Yesu, wala bhabhayanga aje azyoshe nahumo awafye, bhakhamuozya.  
<sup>24</sup> Wakhayanga, “Mwalimu, Umusa ahajile, nkashe umuntu afyiye bila apape umwana, uhholao wakwe amurithi uyo ushe apele umwana uholo wakwe uyo.  
<sup>25</sup> Bhakhali abhaholo saba. Uwahuande ahejile nantele akhafya bila apape ubhana. Akhabha leshela mshe ukholowakwe.  
<sup>26</sup> Nepe ukholo wakwe uwabwile akhawomba shesho, nuwatatu, ihabha shesho hadi ula uwa saba.  
<sup>27</sup> Lwabhawombesho wonti, ula ushi nape wafwa.  
<sup>28</sup> Eshi uwakati wazyoshe uno ushe anzawe ashe wananu huwaholo ewa saba? Kwa maana wonti bhakhamwejile.”  
<sup>29</sup> Lakini u Yesu akhayanga nahubhawozye, “Mkosele sanga mgamenye amazyi wala ingovu izya Ngolobhe.  
<sup>30</sup> Shazili azyoshe, abhantu saga bhahuenga wala ahungwe. Shazibha aje abhantu bhawaje watumi wa Ngolobhe.  
<sup>31</sup> Lakini ahusu azyosye ufye sanga muwahile abhazye shila Ungolobhe shayenje hulimwe, ahayenje,  
<sup>32</sup> Ane ni Ngolobhe wa Ibrahimu, Ngolobhe wa Isaka, na Ngolobhe wa Yakobo? Ungolobhe saga yu Ngolobhe wa bhabhafyiye, bali yu Ngolobhe wa bhaliwomi.”  
<sup>33</sup> Awashiwanza lwabhahovyo elyo bhakhashijile manyizyo zyakwe.  
<sup>34</sup> Lakini Amafarisayo lwabhahovwa aje u Yesu

abhapumezezye Amasadukayo, bhakhawongene wene peka. <sup>35</sup> Weka ahali mwanasheria, akhamunzya ishwali lialuye. <sup>36</sup> “Mwalimu, indajizyo yili ngosi ashile zyonti musheria nyihwi?” <sup>37</sup> U Yesu akhabhajibu, “Lazima ugana Ubwana hu moyo gwaho gonti, hupepo yaho yonti hujele ziaho zyonti. <sup>38</sup> Ene ndiyo ndajizyo ingosi na yahuande. <sup>39</sup> Na iyabwile ifwana neyo-Lazima ugane upalamani waho nazishuhugana awe. <sup>40</sup> Isheria zyonti na Abhakuwa itegemela indajizyo enzi zibwile.” <sup>41</sup> Na Amafarisayo bhakhalisha bhawongene peka, u Yesu akhabhawozya ishwali. <sup>42</sup> Akhabhawozya, “Je!, Msebha yenu ahusu Ukrisiti? Umwene mwana wa nanu?” Nape bhajibu mwana wa Daudi.” <sup>43</sup> U Yesu akhabhajibu, “Ni kwa namna wele u Daudi humpepo ufijile ahukwinzya Bwana, ahumuozya, <sup>44</sup> 'Bwana akhamuozezye u Bwana wane, “Nkhala hukhonogwana ugwa hunelo, mpaka pinzahubhaweshe abhabwibwi bhaho bhakhale pasi yi manama goho?” <sup>45</sup> Nkishe u Daudi ahukwinzya Uklisiti “Bwana,” Inzabhe wele mwana wakwe?” <sup>46</sup> Hakuna yabhajiye hujibu izyi nantele na nomuo yajelile nantele humuozye amashwali hani ahwande isiku ilyo na hundelelee.

## Sura ya 23

<sup>1</sup> Pamande ahizizye nu wungano wa bhantu paka na bhanafunzi bhakwe akhayanga, <sup>2</sup> “Abhasimbi na Mafarisayo bhakhalila itengo ilya Musa. <sup>3</sup> Eshi lyolyonti lyabhalajizya

wombaji, muwombaje nuhu mubhanajizyaje. Lakini msahinjile mmbhiwi zyao, maana awene bhayanga amambo ngasanga bhawomba. <sup>4</sup> Lyoli, awene wapinya amazingo amamwamu gasanga bhabhajie ayumule alafu bhahuwatwiha abhantu muvipungo vyao. Lakini awene sagabhayembezya hata hayobhe anyumule. <sup>5</sup> Imbombo zyao zyonti bhawomba ili abhantu. Bhabhenye maana awene. Wahovyezya amabokosi gao na bhahonjezya ungesi wao na menda gao. <sup>6</sup> Awene wasongwa akhale ishemu inyinza yi shikulukulu, humatengo gishishi mvibhanza, <sup>7</sup> na alamshilwe hushishi ishemu yakazizye na akwiziwe “Mwalimu” na bhantu. <sup>8</sup> Lakini amwe sangamhwaziwa akwiziwe “Mwalimu” Mli nu mwalimu weka, amwe wonti mli kholo. <sup>9</sup> Msakha kwinye umuntu wowonti muni umu Daada wenyu maana mlinu Daada weke, tu nape ali humwanya. <sup>10</sup> Nantele msahakwiziwe 'mwalimu.' maana mli nu mwalimu weka napo yu Klisiti. <sup>11</sup> Eshi yali gosi kati yenyu anzavye muwomba mbombo wenyu. <sup>12</sup> Wowonti yahuisomba anza hulische na wowonti yazahwische anzazuwe. <sup>13</sup> Lakini mwashela amwe awasimbi na Amafarisayo, awilenkha! Muhubhagalilila abhantu umwene wa humwanya. Amwesangamubhajie huwinjile na sangamuhubha ruhusu bhabhahuaza hwinjile. <sup>14</sup> (Enya: Usitari ugwa 14 sagaulolekha isimbo inyiza izikhale, izimo isimbo zikhovyezya umstari ugu ugwa 12. Umsitari ugwa 14 “Mwashela amwe mubhasimbi na Mafarisayo muwilenkha amwe muhubhamila abhafyele”).

<sup>15</sup> Mwashela amwe mubhasimbi na Mafarisayo, muwilenkha! Mfwemela hwisyela yi idimi igosi na humwombe umuntu weka awenu lwentekho hwagala mmanyizya, na lwabha na zimwe, Mhumwombela mala hawile abhe mwana wa hujehanamu nazi amwe shamlekho.

<sup>16</sup> Mwashela amwe mubhalongozi mbadiye amwe mumuyanga, wowonti yalapa hushi bhanza sagahuli nazimo. Lakini yalapa hwiwye lihela yishibhanza apinyilwe na lapa hwankwe. <sup>17</sup> Amwe mubadiye wapumbavu, shenu ishi gosi ashile isha mwao iweilihela au ishibhanza, liliweshilwe tayari iwyelihela hwa Ngolobhe? <sup>18</sup> Wowonti ya lapa apafinjile, hamna ahatu, ila yalapa husadaka yili humwanya yakwe, apinyilwe ni ndopo yakwe. <sup>19</sup> Amwe mubhantu mubadiye shenu ishi gosi ashile isha mwao, isadaka au apafinjile papali tayari afumizye isadaka hwa Ngolobhe?

<sup>20</sup> Eshi, uumwene yalapa pashifinjile alapa hwisho ni vintu vyonti vivili pamwanya yakwe. <sup>21</sup> Nape yalapa pashibhanza, alapa hulepo, nuyoakheye pakhanti yakwe. <sup>22</sup> Nape yalapa humabhengo, alapa hwitengo lgori lya Ngolobhe na hwamwene yakhenye pamwanya yakwe. <sup>23</sup> Mwashela amwe mubhasimbi na Mafarisayo, Mubhilenka! Msomba izaka zya bizali, mnamwamu ingindajizyo, ingi haki, isanjilo, ni ulwenlekho. Lakini enga muhwaziwa mugawombe, siyohugaleshe agamo bila hugawombe. <sup>24</sup> Amwe mubhalongozi mubadiye, amwe myunga utududu utudondo

lakini mumila idogobhi! <sup>25</sup> Mwashela amwe mubhasimbi na Mafarisayo, bhilenkha! Aje mkhozya honzya ishikombe na honze nyi mbakuli, lakini mkhanti mumemile imbhiwi sangamli nu wonga. <sup>26</sup> Amwe Mafarisayo mubadiye, ozyaji ahuande mukhanti yishikombe na mukhanti yimbakuli, na uupande wakhonzi nape ubhe zero. <sup>27</sup> Mwashela amwe, mubhasimbi na Mafarisayo, Mubhilenkha! Mlinifyano yimakaburi gagapashilwe ichokaa, khoze gawhonekha miza lakini mukhanti gamemile amafupa gabhafyinye na shila khanti hintavu. <sup>28</sup> Shishesho namwe, namwe honze muwhonekha winza hwilongolela lya bhantu, lakini mukhanti mumemile ilenkha nu walangani. <sup>29</sup> Mwashela amwe, mubhasimbi na Mafarisayo, Mubhilenkha! Mzenga amakaburi ya wakuwa nahugapambe amakaburi gabhagolosu. <sup>30</sup> Namwe muyanga, aje mngakheye isiku izya waadadawenyu, indisanga muwombile peka akhinte ianda ilya wakuwa. <sup>31</sup> Amwe muhuyanga muwyene aje amwe muli bhana bhewo bhabhakhabha budile awakuwa. <sup>32</sup> Nantele amwe mumalezezya amenye isehemu yihwanziwa imbibhi izyabhadaada wenyu. <sup>33</sup> Amwe mzokha, bhana wimazokha, mwidala wele munza kwepe idongwa ya hujehanamu? <sup>34</sup> Eshi, enyi ihumbatuma aawakuwa hulimwe, abhantu winjele, na waasimbi, abhamo munza hubhabude ua hubhakhobhekhaneye. Na abhamo munza hubhashente muhanti yivibhanza vyenyu na hubhadaje afume mkhaya yeka hadi iyamwao. <sup>35</sup> Hakhanza fumilepo

hulimwe pazafumile idada zyonti izya wagolofu zyazyahitilwe mumsi, ahuande idada lya Habili ugolosu, mpaka idanda ilya Zakaria umwana wa Barakia, yamwahabudile pahanti yapafinjile na pashibhanza. <sup>36</sup> Lyoli ihumbawhuzya, amambo enga gonti gakhaibhanga ishikholo eshi. <sup>37</sup> Yerusalemu, Yerusalemu, awe uhuwabuda abhakuwa na uhubhakhoma na mawe wala bhabhatumwilwe huliwe! khalenga imba whunganyenye abhana bhakho peka nanzi shila inkuku shiwhunganya inyana zyakwe pasi yi maapamikho agakwe, lakini sagahuentekha! <sup>38</sup> Enya inyumba yakho isangeye wene. <sup>39</sup> Nane ihuwozya, ahuande isala enzi nahundelele sangaunza hudole, mpaka lwahaiyanga, 'Asayiwilwe umwene yahwenze hwitawa ilya Bwana."

## Sura ya 24

<sup>1</sup> U Yesu akhafuma mshibhanza na akhasogola. Abhanafunzi bhakwe bhakhamalila na hunolesye inyumba yishibhanza. <sup>2</sup> Lakini akhajibu na hubhawhunzye, "Je, muhungolola amambo enga gonti? Lyoli ihumbawhozyo nalimo Iwe lyalyahisagala humwanya yilya mwawho bila abomolewe." <sup>3</sup> Na pakhakheye mwingamba li Mizeituni, awanafunzi wakwe bhakhamalila, "Pambembe, Tiwhuzye amambo enga gahaifumila ndii? Hantu wele khakhai-wonekha ahwenze huliwe na humwisho wa mumsi?" <sup>4</sup> U Yesu akhabhajibu, akhabhawozya, "Msimisizyaje aje umuntu asakhabhatezye. <sup>5</sup> Maana winchi wanzahwenze hwi

tawa lyane. Wanzayanje, 'Ane nene Klisiti,' na wanza huwatezeye winchi. <sup>6</sup> Munza akhovye ulugo ni kholo yi lugo Enyanji musakhawye nii wonga, maana amambo engo lazima gafumile; lakini ula umalishilo unzabhe usele. <sup>7</sup> Hwamaana insi ni insi uwamwao zibhalalwe na umwene na umwene uwamwao. Hunzabhe inzala na nanyinje insi isehemu izimo zimo. <sup>8</sup> Lakini amambo enga gonti gahunde tu uchungu wa pape. <sup>9</sup> Ndipo wanza hubhafumye wapate amalabha na hubhabude. Mnza vitilwe na bhamnsi wonti husababu yi tawa lyane. <sup>10</sup> Epo winchi bhanza bomele na zilane navitilanwe bhewokwa bhewo. <sup>11</sup> Awakuwa winchi bhilenkha bhakhaifumila na hubhakhopela bhinchi. <sup>12</sup> Epo imbibi ziahainyonjelela, ulugano ulwawinchi wahaipola. <sup>13</sup> Lakini yakhaijimba mpaka mumalishilo ahaiokolewa. <sup>14</sup> Eli inzwi ilya umwene lyakhailumbelelwa monti abhe ushahidi mubha mumsi mwonti. Epo owhavmalishilo unzahwenze. <sup>15</sup> Eshi, lwamwalilola ichukizo ilya nanganye, liliyangwile na u Danieli lyemeleye amahali pafinjile [Yabhazya amanye], <sup>16</sup> epo bhabhali huayunda washembelele humagamba. <sup>17</sup> Nula yali pamwanya panyumba asahajezeye ahwishe pansi ahueuje ahantu hakhonti afume mkhanti yi nyumba yakwe, <sup>18</sup> nape yalekho hugonda asakha wele ahuenje umwenda gwakwe. <sup>19</sup> Washelile ewo bhali na bhana bhala bhabhakhosya husiku izyo! <sup>20</sup> Lawanji aje ashmbele hwenyu husakhabhe wakati wisasa, wala lisiku lya sabato. <sup>21</sup> Kwa

kuwa hwaibha ishinda ingosi, yasanga iwahile afumile ahuande awhumbwe insi hadi isala enzi, na sagaikhaibha nantele. <sup>22</sup> Insiku izyo nkhasanga hupungoshe numo uyo angonkokho. Lakini hwa bhala bhabhasalulilwe isiku zyaipungukha. <sup>23</sup> Nantele nkhashe umuntu wowonti anzahubhawozye 'Enya, Klisiti alekho epa! au, 'Uklisiti alekho hula msakhakheteshe inongwa eyo. <sup>24</sup> Maana Amaklisiti wilenkha na abhatumi wilenkha bhanza huenze, na bhanza lolesye amayeke amagosi nagashinjisyey, hwilengo iliyatenzyey, bhabhajie hata bhabhasalulilwe. <sup>25</sup> Enyanji, imbasundile shangasele amambo enga afumile. <sup>26</sup> Kwa huje khabhanza hubhawhunzyey, "Uklisiti alihumbuga,' msahabhale ukho humbuga. Au, 'Enyaji, alimuhanti munyumba,' musakhakheteshe inongwa eyo. <sup>27</sup> Nanzi shila ilandi shinglala afume humashariki nakhoey hadi humaghalibi shishesho shanza huenze umwana wa Adamu. <sup>28</sup> Poponti papali uwozu, ukho pabhawhungana impanga. <sup>29</sup> Insiku zila amalabha amagosi nkageza, isenya lyahaiwehwa ahinsi, nu mwenzi sangagwakha ifumya ukhozya wakwe, inzonto zyingwa afume humwanya, na ingovo izya humwanya zyakhaiyinga. <sup>30</sup> Epo amayeke ga Mwana wa Adamu gakhailolekha humwanya, na amakabila gonti gamunsi gakhakhola. Bhakhainola umwana wa Adamu ahuenze humabhengo gahumwanya hungonvu nu tunndumu ungesi. <sup>31</sup> Akhaimatuma abhatumi bhakwe ni isauti ingosi yi tarumbeta, ewho bhanza hubha whuganye peka abhasalulwe bhakwe afume



ipane zinne izya muni, afume humalishilo weka wahumwanya, hadi ungwamwao. <sup>32</sup> Manyizyaji isunkulu afume hwikwi. Lwalimela lifumya amatundu ni samba mumanya aje shisenya shikalibiye. <sup>33</sup> Nantele lwamzalole amambo gonti enga, muhuanzia amanye aje akalibiye, alikalibu munjango. <sup>34</sup> ihumbawhunzya, ishikholo eshi sangashishila, hadi amambo ganti enga ganzabhe gafumiye. <sup>35</sup> Imwanya ninsi zizashile, lakini izwi liane sangalishila kamwe. <sup>36</sup> Lakini isiku elyo ni saa inyo numo ya menye, hata abhatumi bhahumwanya wala umwana, yudaada mweene. <sup>37</sup> Nanzi shikhali isiku izya Nuhu, shinzabhe ahwenza umwana wa Adamu. <sup>38</sup> Isiku izyo shisele igalika, abhantu walinga, na bhamwelanga bheganga na huengwe, hadi isiku lila u Nuhu ahwinjile musafina, <sup>39</sup> sangabhakha menye ahantukhahonti khakhazafumile hadi egalika lwayenza na hubhazyole wonti - shinzabhe shesho lwakhaiyenza umwana wa Adamu. <sup>40</sup> Abhantu bhabhile bhahaibha humagonda- weka akhaiyengwa na weka akhailehwa hwisinda. <sup>41</sup> Abhashe bhabhile bhahaiwa asye peka - weka akhaiyengwa na weka akhaisagala. <sup>42</sup> Sanga mumenye isiku lyahaiyeza U Bwana wenyu kwa hiyo khalaji maso. <sup>43</sup> Mumanye aje umwenesho nyumba angamenye isala ya hwenze umwibha indi alimaso andasaga aleshile inyumba yakwe bha mwinjilile. <sup>44</sup> Shesho ihuanziwa abhe tayari, isala musangamuimenye umwana wa Adamu akhaiyenza. <sup>45</sup> Eshi yunanu aligolosu, umuwomba mbombo yali nijele, leyo ubwana

wake apinye ugosi abhapelaje ishalye bhabhali muyumba yakwe husala yifaa? <sup>46</sup> Asayiwilwe umuwomba mbombo uyo, aje ubwana wakwe anzahumwaje awomba esho uwakati uuhuenza. <sup>47</sup> Lyoli ihumbawoza ubwana wakwe anzahumeshe humwanya kila hatu khalinakho. <sup>48</sup> Lakini nkashe umuwomba mbombo umibhi anzayanje mumoyo gwake, 'Ubwana wane akh-eye,' <sup>49</sup> na waanda hubhakhome abhawomba mbombo wakwe na alie kholwe amakholwa. <sup>50</sup> UBwana wa bhawomba mbombo uyo anzahuenze hwisiku lyasanga alimeye ni sala yasanga amenye. <sup>51</sup> UBwana wakwe anza hudumlanye ivipande vibhile na humeshe inafasi yeka na abhilenkha, ewo bhanza lile nasie amino.

## Sura ya 25

<sup>1</sup> Umwene wa humwanya ulinishifano wabhalende kumi bhahejile itala zyao na sogoke abhale huposhele ubwana wenji. <sup>2</sup> Bhasanu khanti yao bhakhali bhapumbavu na abhamwao bhasanu bhahali ni nejele. <sup>3</sup> Abhalendu abhapumbafu bhahejile itara zyao, sangabhahejile amafuta gogonti. <sup>4</sup> Abhalendu bhinjele ivyombo vimafuta peka ni tara zyao. <sup>5</sup> Uwakati ubwana weji achelewa afishe, whunti bhakhakhatwa nutulo na bhagona. <sup>6</sup> Lakini uwakati wa nusiku pakhanti khahali ni shingo, 'ENyi, ubwana weji! Fumi khonze mposhele.' <sup>7</sup> Ndipo ewho abhalendu bhakhadamula na khonzye itala zyao. <sup>8</sup> Bhala abhapumbavu bhabhawuza bhala bhinjele, 'Mtipele ishemu

yi mafuta genyu ate itala zyetu zizima.'  
<sup>9</sup> Lakini bhala bhinjele bhakhayanga na hubhawhuzye, 'Huje sanganganza hutikwele ate namwe, eshi bhalaji hwabhakazya mkale madodo gagenyu.' <sup>10</sup> Lwabhabhala ukho akale, Ubwana wenji akhafikha, whunti bhabhakhali tayari bhakhabhala nao husikulukulu ya wenji, na uniango bhakhagalila. <sup>11</sup> Pamande bhala abhalendu abhamwao bhakhafikha, na yanje, 'Bwana, bwana tungulile.' <sup>12</sup> Lakini bhakhabhawozya, ane sangaimba meye.' <sup>13</sup> Eshi enyanji, aje sagamumenye isiku wala isaa. <sup>14</sup> Fuandi sawa nu muntu yahuanza shola abhala hunsi iyamwao. Ahabhakwinzizye abhawomba mbombo bhakwe na hubhaleshele uutajili wakwe. <sup>15</sup> Weka akhapinye italanta zisanu, uwamwao akhapinye zibhile, ula umuntu akhashola akhasogola weee. <sup>16</sup> Ula yakhapushea italanta zisanu akhasongoye ishandabhe abhale husiwhombe, na ziakhapapa italanta iziamwao zisanu. <sup>17</sup> Nape yakhapusheye italanta zibhile ziakhapapa italanta iziamwao zibhile. <sup>18</sup> Lakini umuomba mbombo yakhapusheye italanta yeka, akhasongoye akhabana igondi pasi, akhazieshela ihela ya bwana wakwe. <sup>19</sup> Gwa hashila umuda utali, ula bwana wa bhawombambombo ahawela na akhagomba amahesabu anao. <sup>20</sup> Ula umuombambombo yahaposheye italanta zisanu akhenzele na lente italanta iziamwao zisanu, akhamuozya, 'Ubwana ukhampelile italanta zisanu. Enya, impente ifaida italanta iziamwao zisanu.' <sup>21</sup> Ubwana wakwe akhamuozya, 'Eshee,

muwomba mbombo mwinza na uligolosu! Uligolosu huvinti ividodo. Inzahupele atabhale ivintu vinchi vya pamwanya. Injila ashe nu bwana whakho.' <sup>22</sup> Umuwombambombo yahaposheye italanta zibhele ahenzele na yanje, 'Bwana, ukhampinye italanta zibhile. Enya, impente ifaida italanta iziamwao zibhile,' <sup>23</sup> Ubwana wakwe akhamuozya, 'Ehee, muomba mbombo mwinza na ugholosu! uligolosu huvintu vinchi vya pamwanya. Injila ashe nu bwana wakho.' <sup>24</sup> Pamande yakhaposheye italanta yeka ahezele na yanje, 'Bwana, imenye aje awe ulimuntu khali. Uyibhila vyasanga utotile, na uhwenga vyasanga uweshele. <sup>25</sup> Ane nakhogope, nakhasogola ane nafisa italanta yakho pilongo. Enya, enepa yukhapiye yiliyakho.' <sup>26</sup> Lakini ubwana wake akhayanga na humuozye, 'Awe muomba mbombo mibhi na molo, ukhamenye aje iyibhila pasangaintontile na pasanga imbeshele. <sup>27</sup> Ihela yane uhuaziwilwe uwapele abhantu bhi benki, wakati wawele ane naposhelaga ela yahuline ni faida peka. <sup>28</sup> Eshi muopi eyo italanta na mpele ula umuomba mbombo yalini talanta kumi. <sup>29</sup> Shila muntu yalinasho anzahojelezewe zaidi- hata azidishibhe sana. Walakini wowonti yasanga alina hantu, hata hala khali nasho anzahupwe. <sup>30</sup> Taji khonze muhinsi uyo umuomba mbombo umibhi yasangafaa, ukho hwahusabhe alile nasie amino.' <sup>31</sup> Umwakati umwana wa Adamu lwakhaiyeza nu sisya wakwe, na abhatumi wonti peka numwene, panza akhale pamwanya yitengo lyakwe isisya. <sup>32</sup> Abhamunsi wonti

bhahaiwongangana hwitagalila lyakwe, nape ahaibagula abhantu nanzi undimi shabagula ingole ni mbuzi. <sup>33</sup> Anza hubhabheshe ingole ukhono gwake wa hunelo, bali imbuzi anza hubhabheshe ukhono wahumongo. <sup>34</sup> Nantele umwene anzahubhabhuzya wala bhabhali ukhono wahunelo, 'Nnzaji, mumusaiwilwe nu Daada wenyu, murithi uumwene uulekho kwa ajili yenyu ahuande huwandilo wa mumsi. <sup>35</sup> Lwanahali ni nzala mwakha mpelile ishalye; lwanakhali jenu mwahakalibisizye; <sup>36</sup> Lwanakhali bwinda, mwakhankwatizizye amenda; Lwanakhali minu mwakhanenyizye; Lwanakhafungwilwe mwakhezele.' <sup>37</sup> Ndipo abhagolosu bhahaiyanga na humuonzye, "Bwana, ndi lwatahalolile uli ni zala, lakhapela ishalye? Au uyumele ntakhapela amenze? <sup>38</sup> Na ndii takhalolile ulijenu takhakalibisya? Au uli bwinda takhakwatizya amenda? <sup>39</sup> Na ndii takhalolile uli minu, au ufungwilwe na twahenza? <sup>40</sup> Na uumwene akhaiyanga na hubhawonzye, 'Lyoli ihumbawhuzya lyamuwombile epa hwakholowane udodo weka, mumbombeye nene.' <sup>41</sup> Panza hubhawhuzye bhabhali ukhono gwakwe gwa humongo, 'Epanji huline mkhanilwe bhalaji hwanguli umoto wa wilawila uuweshelwe kwa ajili ya usietano ni impepo imbibihi, <sup>42</sup> ane nakhali ni zala lakini sagumwakhampiye ishalye; nakhomele lakini sagamwakhampiye amenze; <sup>43</sup> Nakhali fenu sangamwahankalibisizye; Nakhali bwinda sanga mwakha mpinye amenda; nakhali minu na

nakhapinyilwe, lakini sangamwakhanyizye.'  
<sup>44</sup> Ewo nape bhaimuozya na yanje, 'Bwana, ndi twakhalolile uli ni zala, au uyumele, au ulijenu au uli bwinda au uliminu, au ufungwilwe sangatahasajiye?'  
<sup>45</sup> Epo akhaiyanga na hubhawuozye, 'Lyoli ihumbawuozya, shila sanga mwahawombile hwaweka hwa bhadodo ewo, sangamwakhambombeye nene.'  
<sup>46</sup> Ebha bhakhabhala humalabha giwilawila bali abhagolosu huwomi wa wilawila."

## Sura ya 26

<sup>1</sup> U Yesu lwabhamala ayanje inongwa ezyo zyonti, akhabhawozizye abhanafunzi wakwe,  
<sup>2</sup> "Mumenye aje baada yisiku zibhile huzabhe ishikulukulu ishi pasaka na umwana wa Adamu bhanza hufumye hukhobhehanye."  
<sup>3</sup> Pamande abhagosi wi makuhani nabhagogolo bha bhantu, bhakhatangeni peka hwakhala ukukhani ugesi yakhakwiziwanga Kayafa.  
<sup>4</sup> Bhahali peka bhakhapanga ishahukhate u Yesu husiri na hubude.  
<sup>5</sup> Bhakhajili isakhawombeshe uwakati wa sikulukulu, aje isahafumile ivurugu hwabhantu."  
<sup>6</sup> U Yesu lwahali Hubethania hunyumba ya Simoni mkoma,  
<sup>7</sup> lwahaigolosizye pameza, ushi weka akhezele akhanyumuye umkembe wahali na mafuta igi samani ingosi, akhanyunyulizya pitwe lyakwe.  
<sup>8</sup> Lakini abhanafunzi wakwe lwabhalola ijambo elyo bhakhavitilwe nayanje, "Yenu ihasala ine?"  
<sup>9</sup> Ega tahabhajie ishiasi shigosi tibhapele abhapena."  
<sup>10</sup> Lakini u Yesu, akhamenye eli, akhabhawuzya, "Shunu

muhunavya ushe uno? Maana awombile ish-intuishinza huline. <sup>11</sup> Abhapena mlinao isiku zyonti, lakini sangamzabhe peka nane wila. <sup>12</sup> Hwapashile amafuta mpele gwana, awombile esho kwa ajili ya sielwe ane. <sup>13</sup> Lyoli ihumbawoza, poponti izwi eli linzalimbelelwe munsu mwonti, ishitendo shawombile ushe uno, nantele shinzayangwa kwa ajili ya kumboshe.” <sup>14</sup> Weka wa bhala kumi na bhabhile, yahakwiziwanga Yuda Iskariote, akhabhalile huwagosi bha makuhani <sup>15</sup> na yange, “Mnza hupeleshi nkisalinti?” Bhakhapimila u Yuda ivipande selathini ivihela. <sup>16</sup> Ahwande umuda ugo ahazile inafasi yahusaliti. <sup>17</sup> Hata isiku iliahuande makate gasanga gaweshelwe ichachu, abhanafunzi bhamalila u Yesu na yanje, “Uhwanza hwi tiweshelwe ishalye shi Pasaka?” <sup>18</sup> Akhabhawoza, “Bhalaji humjini hwa muntu fulani na mumwonzye, Umwalimu ayinga, “Umuda gwakwe ukalibiye. Ahwanza huimalezye ipasaka peka na bhanafunzi wakwe hu nyumba yakho.” <sup>19</sup> Abhanafunzi bhakhawomba nazi u Yesu shabhalajizizye, na bhakhandaile ishalye ishi Pasaka. <sup>20</sup> Lwayafika iliewela, akhakheye alye ishalye peka na bhanafunzi wakwe kumi na bhabhile. <sup>21</sup> Lwabhalianga ishalye ahabhawonzya, “Lyoli ihumbawoza aje weka kati yunyu anzahusaliti.” <sup>22</sup> Bhakhazungumiye sana, weka weka bhahandile humwonzye, “Je, saga nene, Bwana?” <sup>23</sup> Ahabhawoza, “Ula yanzatobhele inyobhe yakwe peka nane humbakuli yanza husaliti. <sup>24</sup> Umwana wa Adamu azasogole, nanzi shisimbililwe. Lakini umuntu yanza

husaliti umwana wa Adamu! Indishinza hwa muntu uyo nkasanga ahapapwilwe.”<sup>25</sup> U Yuda, ula ahali msaliti akhayanga, “Je!, Nene Rabi?” U Yesu ahamonzya, “Uyanjile ijambo elyo awe wewe.”<sup>26</sup> Lwabhalianga ishalye, u Yesu ahenjile ikate, alisaya na akhamenya. Ahabhapela abhanafunzi wakwe akhayanga, “Eji mlye. Ungu bele gwane.”<sup>27</sup> Ahenga ishikombe ahasalipya, ahabhapela na yanje, “Mwelaji mwenti hweshi.”<sup>28</sup> Ene danda yaindagano yane, yihwitikha kwa ajili ya winchi hubhasajile imbibhi zyao.<sup>29</sup> Lakini ihumbawhozya sanganahimwela antele amadondu ga mizabibu ega, hadi namwe huumwene wa Daada wane.”<sup>30</sup> Lwabhamalezya ahwembe ulwembo, bhakhasogola abhle hwigamba ilya mizeituni.<sup>31</sup> Nantele u Yesu akhawozya usiku uwhu amwe mwonti vitwe kwa ajili yane, kwa kuwa iyandihulilwe, Inzahukhome umchungaji ngole bhanza tabhanyishe.<sup>32</sup> Lakini lwanazyokha ane nakhaibhata ngalila abhale Hugalilaya.”<sup>33</sup> Lakini u Petro akhamwonzya, “Hata nka-wonti bhakhane humambo gaganza hu hwaje, ane sangainza hukhane.”<sup>34</sup> U Yesu akhamwonzya, “Lyoli ihuwonzya, usiku uwhu shisele ihanda akunte, anzahukhane mara hatatu.”<sup>35</sup> U Perto akhamwozya, “Hata nkimbajie afye nawe, sangaimbala hukhane.” Na bhanafunzi wonti bhayanga shishesho.<sup>36</sup> Pamande u Yesu ahabhala nao amahali papahwetwa Gethsemene na akhabhawonzya abhanafunzi bhakwe, “Khali epa wakati ane imbala ukho alabhe.”<sup>37</sup> Akhamwenga u Petro na abhana



bhabhile wa Zebedayo na akhanda azungumile na sononoshe. <sup>38</sup> Nantele akhawonzya, “Umpepo ufinjile wane izungumie pangosi sana, hata ihwanza afye. Lakini epa mubhe masopeka nane.” <sup>39</sup> Akhabhala pilongolela hadondo, angwa gubama na alabhe. Akhayanga, “Daada wane, nkashe bhajie ishikombe eshi shinepe. Isakhabhe shihwanza ane bali nanzishuhwanza awe.” <sup>40</sup> Akhabhabhalila abhanafunzi ahaweje bhagonile utulo, akhabhawozya Petro, “Shunu sangamlimaso nane hata isala lyeka? <sup>41</sup> Kesyanji na labhe ili msahahinjili mumajaribu. Iroho ili radhi, lakini ubele niwolo.” <sup>42</sup> Akhabhala wee imala ya bhele na labhe, akhayanga, “Daada wane, ijambo eli sagalibhajie hunepe ni lazima imwelele ishikombe eshe, amapenzi gakho gatimile.” <sup>43</sup> Akhawela nantele akhabhaga wagonile utulo, amasogakho gakhali mamwamu. <sup>44</sup> Nantele akhabhalekha akhabhala akhalabha amara ya utatu akhayanga inongwa zizila. <sup>45</sup> Pamande u Yesu akhabhabhalila abhanafunzi wakwe na hubhawhuzye, “Mulisha mgonile tu natozye? Enyanji isaa ilikaribu, na umwana wa Adamu akhatwa mumakhono mwabha bhibhi. <sup>46</sup> Damulaji, tisingolanje. enyi ula yahusalinti akaribiye.” <sup>47</sup> Lwakhali bado ayanga, u Yuda weka wa bhala kumi na bhabhile akhenza nama-panga ni ndungu. <sup>48</sup> Nantele umuntu wahusaliti u Yesu akhabhapelile ishara, ahayenje, ula yinza hubusu, ndiyo yuyo. Khante.” <sup>49</sup> Papepo akhezele hwa Yesu akhayanga, “Salamu, Mwalimu!” Na akhabusu. <sup>50</sup> U Yesu akhamwozya, “Kondani, liwhombe lila ulinalyo lililetile.”

Ndipo bhahenza, nagolosye inyobhe hwa Yesu na hukhante. <sup>51</sup> Enyi, umuntu weka yakhalipeka nu Yesu, akhagolosesye inyonbhe yakwe, akhachomola ipanga lyakwe, akhakhoma umuomba mbombo wa kuhani ugosi, na hudumule ikutu lyakwe. <sup>52</sup> Ndipo u Yesu akhamuozya, wezya ipanga lyakho puyejile, kwa kuwa wonti bhabhatumila ipanga bhanza hwangamile ni panga. <sup>53</sup> Myinga sangaimbajie hukwinzye udaada wane, nape angantumila abhalugu zaidi ya kumi na bhabhile ya awatumi? <sup>54</sup> Eshi shihwaziwa atokele ili amandiko katimile hwidala elyo?” <sup>55</sup> Uwakati whuwho u Yesu akhabhawuzyo bhabhawungene, “Je! Mwenzele namapanga nidungu hukhante nazi yahupa? Kila lisiku nakhakheye namwe mshibhanza, nabhamayizyanga sanga mwakha kheute! <sup>56</sup> Lakini gonti enga gawombeshe ili amaandiko ga watumi gatimile.” Ndipo abhanafunzi wakwe bhakhanekha bhakhashembela. <sup>57</sup> Bhala bhabhakhate u Yesu bhakhatwala hua Kayafa, ukuhani ugosi, amahali epo abhasimbi na agogolo bhahawongene peka. <sup>58</sup> Lakini u Petro akhafuatle hwisinda huhutali mpaka hushumba sha kuhani ugosi. Ahinjila mhanti akhakhala peka nu ninzi alole shashinza fumile. <sup>59</sup> Basi abhagosi bha makuhani ni baraza lyonti li-ahazanga uushaidi wileukha juu ya Yesu, ili bhapate hubude. <sup>60</sup> Bhakhafumie amashaidi winchi, lakini sangabhahayeje imbibhi yoyuti. Lakini pamandi amashahidi bhabhile bhakhafumila hwilongolela <sup>61</sup> na bhayanga, “Umuntu uno akhayenje, “Imbajiye agwisye ishibhaza

isha Ngolobhe na hushizenje nantele husiku zitatu.”<sup>62</sup> Ukuhani ugosi ahemelela na humwonzye, “Saga ujibu? Ewa bhahuwhuzya wele juu yakho?”<sup>63</sup> Lakini u Yesu akhapuma mye. Ukuhani ugosi ahamwozya, “Nanzi uNgolobhe shakhala ihulazimisya utawhuzye, awe wewe Klisiti, Umwana wa Ngolobhe.”<sup>64</sup> U Yesu ahabhawuzya, “Awe wewe uyanjele ijambo elyo. Lakini ihuwozyo, ahwande eshi nahwendelele, unza hunole Umwana wa Adamu akheye ukhono unelo uulinigovo, na ahuenza humawengo gahumwanya.”<sup>65</sup> Ndipo ukuhani ugosi akhazebula amenda gakwe nayanje, “Akhanile! Je, tihwanza washi nayanje uushahidi?”<sup>66</sup> Je! Msebhashi bhayanga nahumwozye, “Ahuanziwa afye.”<sup>67</sup> Nantele bhakhashelela amate humasona hukhome ingumi na huchete amakofi ni nyobhe zyao,<sup>68</sup> na bhakhamuozya, “Yanga, wewe Klisiti. Yunanu yachapile?”<sup>69</sup> Isala izyo u Petro ahakheye huoze huu kumbi, umuomba mbombo wishishi ahamalila nahumuozye, “Awe nawe ulipeka nu Yesu wa Galilaua.”<sup>70</sup> Lakini ahakhanile hubele yao wonti, ahanga sangaimenye ahantu huyanga.”<sup>71</sup> Lwabhala hunze huniango, umuomba mbombo uwamwao wishishi ahanola na hubhawhuzyebhabhahali epo, “Umuntu uno nope alipeka nu Yesu wa Nazareti.”<sup>72</sup> Akhakhana tena na lape, ana sangaimenye umuntu uno.”<sup>73</sup> Umuda kidogo pamande, wala bhabhahemeleye karibu, bhakhamalila nahumuozye u Petro, “Na lyoli awe nawe ulipeka nao, hata njango yakho

ilolesya.” <sup>74</sup> Pahandile akhana na lape, ane sanga imenye umuntu uno,” papepo ihanda ikhakuta. <sup>75</sup> U Petro ahakumbukha inongwa yakhamuozezye u Yesu, kabla yihanda iseke akute unza hukhane mara hatatu.”

## Sura ya 27

<sup>1</sup> Amasala gishandabhe akhafikha, khabhagosi wonti bha makuhani na bhazee bha bhantu bhakhaliye injama juu ya Yesu wapate hubude. <sup>2</sup> Bhakhapinya, bhakhanongozya, bhafishia hwa liwali u Pilato. <sup>3</sup> Nantele u Yuda, yahali msaliti, akhalolile aje u Yesu tayari alongwile, akhazungumie wawezya ivipande selasini ivi hela, hwabhagosi wa makuhani na bhazee, <sup>4</sup> na akhayanga, “Imbobile imbibhi ya huisaliti idada yisanga ilimbibhi.” Lakini bhakhamonzya, “lihutuhusu lyenu ate? Genyaye ego wewe.” <sup>5</sup> Nantele wavitanga pasi vila ivipande vinhela hwishibhanza, na ahasogola na huiyoje mwene. <sup>6</sup> Ugosi wa makuhani ahavyenga vila ivipande vi hela na ahayanga, “Sagashiza kuibheshe ihela ine mhazina, kwa sababu yi danda.” <sup>7</sup> Bhakhayangana peka ihela itumishe akalile ugonda gwa whumbile azyeshele abhajenu. <sup>8</sup> Kwa sababu eyo ugunda ugwa likwiziwa “Guda gwi danda” hadi ilelo eshe. <sup>9</sup> Nantele ela inongwa yikhayangwile na abhatumii u Yeriaha lihatimila, aje, “Bhakhejile ivipande selasini ivi hela, ibeyi yihapangwilwe na bhantu bha Israeli hwa ajili yakwe, <sup>10</sup> bhakhatumie ugonda gwa muwhumbaji nazi u Bwana shakhelezezye.”

11 Eshi u Yesu ahemeleye hwilongolela lya Liwali na uliwali akhamwozuya, “Je! Awe uli mwene wa Wayahudi?” U Yesu akhajibu, “Awe uyejesho.” 12 Lakini lwawasitakiwa na bhagosi wa makuhani na bhazee, saga ahajibu lyolyonti. 13 Nantele u Pilato akhamuozya, “Sagauyuvyezye amashitaka gonti agakho?” 14 Lakini sanga akhajibu ineno hala lyenka akhaswinga uliwali. 15 Hwisiku zisikulukulu ihali kawaida uliwali humungulile yapimyilwe weka yasalulilwe na winchi. 16 Uwakati uwo bhahali nuyoapinyilwe wimatata ilawa lyakwe yu Baraba. 17 Lwabhawungene peka upilato akhabha wuzya yunanu yamuhunza imungulile kwa ajili yunyu?” Ubaraba au Uyesu yahwetwa Klisiti?” 18 Maana akhamenye aje tayari bhakhe kwa sababu bhavitililwe. 19 Wakati akheye hwitengo ililonzi, ushe wakwe akhatwalila ineno aje, “Usakawombe lyolyonti hwa muntu uyo yasanga alini mbibhi. Yaani indawile hani ilelo mundonto kwa ajili yakwe.” 20 Ndipo abhagosi wa makuhani na bhazee bhakhabhakondelezya amakutano aje bhanabhe u Baraba, u Yesu afye. 21 Uliwali akhabhawuzya, “Yunani kati ya bhabhile yamuhwa nza amwe ineshela?” Bhakhayanga, “Ubaraba.” 22 U Pilato ahawawuzya, “Imombe wele u Yesu yahwetwa Klisiti?” Wonti bhamuozyo, “Amayembe” 23 Nape ahayanga, “Shunu likosashi awombile?” Lakini bhahojelela apwaje isauti hata humwanya hani, “Ayembe.” 24 Epo Upilato lwa saga awajiye awombe lyolyonti, ivurugu ziahandile ahenga amenze

ahazuguzila inyobhe zyakwe hwilogolela ilya winchi, na yanje aje, “Ane sagandi ninogwa juu yi danda iya muntu uno yasanga alin-ibibhi. Genyanji ega mwe mwemwe.” <sup>25</sup> Awanti wonti bhahayanga, “Idanda lyakwe liwe juu yetu na bhana wetu.” <sup>26</sup> Epo ahamungulila u Baraba wao, lakini ahakhoma amijeledi u Yesu na ahabhapela awene abhale hukhobhehanye. <sup>27</sup> Nantele abharugu bha liwali bhamwenga u Yesu mpaka Praitorio ni kundi igosi lya bhalongu wonti bhakhamunganila. <sup>28</sup> Bhahavula amenda gwakwe na hukwatizye igololeli langi ishamamu. <sup>29</sup> Tena bhahagomba itaji yi mivwa na bhaiwehe hwitwe lyakwe na hususye, bhahayanga, “Salamu, Wamwene wa Wayahudi?” <sup>30</sup> Na bhaswelela amate, na bhahenga imwanzi na hukhome hwitwe. <sup>31</sup> Wakati bhahususya bhakhavulile igolole na hukwatizye amenda gakwe, na hunogole abhale hukhobhehanye. <sup>32</sup> Lwabhafuma hoze, bhahanola umuntu afume ilawa Krene ilawa likwa yu Simeoni, uyo bhakhanazimisa abhale nao ili anyumule ishikhomehayo shakwe. <sup>33</sup> Lwabhafikha pala Pagaligotha, imaana yakwe, “Teneo lya ifupa litwe.” <sup>34</sup> Bhakhapela siki yabhasnganyenye ni nyongo amwele. Lakini lwawonga saga ahamwela. <sup>35</sup> Lwabha khomehanya, bhahagabhana amenda gakwe bhahahoma ikura. <sup>36</sup> Na bhahakhala na humwenye. <sup>37</sup> Hwitwe lya Yesu bhahaweshele inongwa yakwe ihabhaziwanga, “Uno yu Yesu, umwene wa Wayahudi.” <sup>38</sup> Bhabhahupa bhabhile bhahakhobhe nywepeka numwene, weka

ahali upande wa nelo wakwe na uwamwao wa humongo. <sup>39</sup> Bhala bhabhashilanga bhasosyanga bhahayizianga amatwe gao <sup>40</sup> na humozya, “Awe wawazaga anaganye ishibhanza na azenye husiku zitatuzitatu uyokole wewe! Nkuli mwana wa Ngulubhe, ikha pasi uyepe mumalabha!” <sup>41</sup> Katika ihali yiyela abhagosi wa makuhani bhasosyanga peka na abhasimbi na abhazee, na humuozye, <sup>42</sup> “Ahokoye abhanche. Yu mwene wa Wayahudi. Na ayishi pasi afume mumalabha, epo tinza humweteshe. <sup>43</sup> Ahasobhenye Ungulobhe. Lekha Ungolobhe amwokole eshi nkashele ahuanza, nkashele ahuanza, nkashila ahayenje, 'Ane nene mwana wa Ngolobhe.” <sup>44</sup> Na wala bhabhahupa bhabhakhomagenywe peka nu Yesu nape bhahayenje hususye. <sup>45</sup> Eshi afume msaa sita hwahali ahinsi mumsi yonti hata saa tisa. <sup>46</sup> Lwayafiha saa tisa, u Yesu ahalila husauti ingosi, “Eloi, Eloi, lama thabakithan?” Imana yakwe, “Ngolobhe wane, Ngolobhe wane mbona undeshile?” <sup>47</sup> Uwakati uwo bhahali awamo bhemeleye pala bhahovya lwayanga, “Ahukwinza u Eliya.” <sup>48</sup> Haraka weka ahashembela ahwenje isifongo na huimyeme isha mwele ishikhali, ahaibhiha huwanya yikwi na hupele ili amwele. <sup>49</sup> Nape bhabhahasag-eye bhahayanga, “Neshe mwene, leshe tenye u Eliya nkahwenza humwokole.” <sup>50</sup> Nantele u Yesu ahalila husauti ingosi aifumya iloho yakwe. <sup>51</sup> Enya, ipazia lya mshibhanza lya-hazembukha isehemu zibhile, afume humwanya mpaka pasi. Na insi ihayingile, na amawe

gahabazushe vipande. <sup>52</sup> Amakaburi gahugushe amabele gabhagolosu wichi bhabhahagonile utulo bhahazyoshile. <sup>53</sup> Bhahafumile mumakaburi lwawazyoha, bhahawinjila umji ughosha, na bhahakhoneha na winchi. <sup>54</sup> Basi ula uakida na walabhahamwenyaga u Yesu bhahalola itetemeko na amambo gagahafumiye, bhahabha nuwongo sana nayanji aje, “Lyoli onu ahali mwana wa Ngolobhe.” <sup>55</sup> Awashe winchi bhahafuatile u Yesu afume Hugalilaya ili humwombeke bhahali pala humwenye afume hulali. <sup>56</sup> Mhati yao bhahali, Umariam Magdarena, Umariam umaye wa Yakobo na Josefu, na umaye wa wana wa Zebedayo. <sup>57</sup> Lwayafiha ilyebhela umuntu utajili afume Arimathayo, yahetelwa u Yusufu, nantele ahali mwanafunzi wa Yesu. <sup>58</sup> Ahamalila u Pilato hunabhe ubele gwa Yesu. Upilato ahalajizya bhapele. <sup>59</sup> Uyusufu ahawejile ubele ahaupinya na menda gi sufi inzeru, <sup>60</sup> ahaugonya mwikaburi lyakwe ipya lyalyahachonjilwe mwiwe, alafu ahawungulusya iwe igosi lyahazinga uniongo gwi kaburi ahasogolo. <sup>61</sup> Umariam Magdalena na Umariam uweche bhahali pala, bhahenye pikaburi. <sup>62</sup> Isiku lilyahafuata lyahali lisiku lyamaandalizi, abhagosi wa makuhani na Mafarisayo bhahawungeni peka hwa Pilato. <sup>63</sup> Bhahamuozya, “Bwana, tuzushe aje ula wilenkho lwahali momi ahajile, 'Baada yi siku zitatatu anzazyoshe.'” <sup>64</sup> Eshi lajizya aje ikaburi bhalinde sallama mpaka isiku ilyatatu. Nkasanga shisheshe abhanafunzi wakwe bhanza hweze humwibhe na wazayanje hwa wantu aje azyoshele afume mfye, na ilenkha ilyamwisho



linzabhe libhibhi ashile ilyahwande.” <sup>65</sup> U Pilato ahabhawoziya, “Eji abhalizi. Bhalaji muweshe usalama shamulolile.” <sup>66</sup> Basi bhahabhalile aweshe usalama hwikaburi iwe lyahahomwa umuhuri naweshe abhalinzi.

## Sura ya 28

<sup>1</sup> Pamande iyewele isiku ili Sabato, isenye lwalyaswanga awale isiku ilyahuande ijuma, Umariamumu Magdalena, nula Umariamumu uweche bhahawalile ahwenye ikaburi. <sup>2</sup> Bhenya hwahali itetemeko igosi, maana ukuwa wa Bwana ahishile huliwungu lushe iwe lila, alafu ahali khalila. <sup>3</sup> Isura yakwe ihaliye umeme na amenda gakwe gahali mazelu aje choka. <sup>4</sup> Bhala abhalizi bhahamema uwonga bhahaje wofyinye. <sup>5</sup> Ola ukuwa akhabhalanganyizwa wala awashe akhabhawoziya bhasahahongope maana imenye aje muhumwanza u Yesu, yahakhomayenywe. <sup>6</sup> Numo epa, lakini azyoshele nanzi shakhabhawuzezye. Inzaji mwenye pabhakhagonezye u Bwana. <sup>7</sup> Bhalaji nalinali hubhawuzye abhanafunzi wakwe, 'Azyoshile afume hwabhafwe, enyi abhatagaliye Hugalilaya. Ukho hwamuzahunole.' Anya ane imbawozezye.” <sup>8</sup> Bhala abhashe bhakhasongola pale pikaburi nalinali shabhali nuwoga na bhahashiye sana, bhakhashembele hubhabhuzye abhanafunzi wakwe. <sup>9</sup> Enya u Yesu ahatangana nao ahangaa, “Salamu.” Bhala abhashe bhahenza na hukhante amanama gakwe, nantele bhahapunta. <sup>10</sup> Nantele u Yesu ahabhabhuzya, “Musakhahongope,

bhalaji mubhawuzye abhaholo bhane bhalongolele Hugalilaya. Ukho bhaza hundele.

<sup>11</sup> Wakati wala awashe bhabhalaga enya abhamo abhalinzi bhahabhala humjini na hubhabhuzye abhagosi wamakuhani amambo gonti gagafumiye.

<sup>12</sup> Nepe amakuhani twabhahatangana na bhazee, nayangane ijambo elyo peka nao, bhahafumizye ishiasi ishigosi shi hela lwabhala abhalogo <sup>13</sup> na hubhabhuzye, “Yangaji hwabhamwao aje, 'abhanafunzi wa Yesu bhahezele nusuku ahwibhe ubele gwa Yesu lwatigonile ante.’”

<sup>14</sup> Ihabali ene nkifishile uliwali, ate linza hubebelezye na hubhefuezye amwe amashaka gonti.”

<sup>15</sup> Bhala abhalugu bhahazienga ihela zila nawombo shabhawuzewelwe. Ihabari ikheneyesana hwabhayahudi ilekho mpaka ilelo.

<sup>16</sup> Lakini bhala abhatumi kumi na moja bhahabhalile Hugalilaya, hula hwigamba hwakhawuzye.

<sup>17</sup> Lwabhahanola bhakhaputile. Walakini abhamo bhakhalola ishaka.

<sup>18</sup> Yesu akaja akawambia akisema, “Nimepewa mamlaka yote duniani na mbinguni.”

<sup>19</sup> Eshi bhalaji mubhabheshe abha mumsi wonti abhe bhanafunzi, wuoziaji hwitawa lya Daada nalya mwana nilya upepo ufijile.

<sup>20</sup> Mubhamanyizye nabhenishishi humambo gonti gimbalajizye, eye ane indipeka namwe wilawila, hata mumalishilo wa mumsi.

**Biblia Takatifu**  
**The New Testament in the Safwa language of**  
**Tanzania**

**Agano Jipya katika lugha ya Safwa ya Tanzania**

copyright © 2020 Door43 Worldwide Mission Community

Language: Kisafwa (Safwa)

Translation by: Door43 Worldwide Mission Community

Contributor: James, Mahanji, Malila, and Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-11-06

---

PDF generated using Haiola and XeLaTeX on 22 Feb 2024 from source files dated 31 Aug 2023

e2f39c47-1272-5521-9829-9f00f27533b5